

元遺山詩集箋注

元遺山詩集箋注卷二

烏程

施國祁北研箋

蔣炳枕山校

五言古詩

萬化如大路

萬化如大路物我適相遭往來限鄰屋夢寐阻同袍斷金幾
何人年運劇銷膏相歡顧不足爾戈奚暇操古來太山名達
觀等秋毫蠻觸徒能國蜾蠃竟誰豪曠蕩覽八紘美惡自爲
曹造物無巧擇大塊有并包暴公今在亡轉瞬起蓬蒿孤心
旣悄悄衆口益嘖嘖同塵寧當悔枉已乃爲勞鹿門有高躅
世網儻能逃

萬化

莊子若人之形萬化而未始有極也

銷膏

漢書兩龔傳薰以香自燒膏以明自銷

秋毫

莊子天下莫大于秋毫之末而太山爲小

紉淮南子九州之外有八紉

鹿門

後漢書逸民傳龐公攜其妻子登鹿門山因采藥不返孟浩然詩余亦乘舟歸鹿門

曉發石門渡湍水道中

原注水經湍音專○廣韻城緣切水在鄆州○地志南京路鄆州穰城縣有湍水

疎星澹秋明陰霞絢朝映積雨成坐愁晨光動幽興石門歸
馭引湍浦漁刀竝曠蕩萬景新歸藏四山靜平湖風漪綠遠
岸秋沙淨洋洋游鯈逝汎汎輕鷗泳隱顯乖夙心感寓見眞
性倦遊時白棹違已將安竟憂端從中來茫茫發孤詠

漁刀

詩河廣菱小船曰刀

風漪

陰鏗詩夾篠沈深渌含風結細漪

游鯈

莊子與惠子游于濠梁上見鯈魚出遊是魚樂也○潘岳秋興賦玩

游鯈之

湍激

放言

韓非死孤憤虞卿著窮愁長沙一湘纍郊島兩詩囚人生定
能幾肺肝日相讐井蛙奚足論禪蝨良足羞正有一朝樂不
償百年憂古來帝王師或從赤松遊大笑人間世起滅眞浮

漚曾是萬戶封不博一掉頭有來且當避未至吾何求悠悠
復悠悠大川日東流紅顏不暇惜素髮忽已稠我欲升嵩高
揮杯勸浮丘因之兩黃鵠浩蕩觀齊州

孤憤

史記韓非傳非廉直不容于邪枉之臣觀注者得失之變故作孤憤五蠹內外儲說林說難十餘萬言注孤憤憤孤直不容于時

窮愁

又虞卿傳

貧虞卿非窮愁亦不

禪也晉書阮籍傳獨不見羣臣之處禪中乎逃乎深縫匿乎敗

能著書以自見于世

禪也然炎邱火流焦邑滅都羣風處于禪中而

不能出也君子之處何異乎虱之處禪中乎

人間世

莊子有人問世篇司馬彪曰與人羣者不得離人然

人間之事故世世異宜惟無心者為能惟變所適

李道人嵩陽歸隱圖

中州集麻知幾詩雷希顏詩劉少宣詩史學優詩歸潛志趙懋之詩王仲澤贈句二妙集段成

已詩○中州麻知幾又有竹癡冠家山圖為李道人賦二詩又澄水集送疊李道士元老詩云嵩山到嵩陽相望二百里並此人

北山范寬筆老硬無妍姿南山小平遠澹若韋郎詩崧陽古
仙邨佳處我所知長林連玉華細路入清微連延百餘家柴
門水之湄桑麻蔽朝日鷄大通垣籬媿我出山來京塵滿山

衣春風四十日夢與孤雲飛可笑李山人嗜好世所稀逢人
覓詩句不恤怒與譏道人本無事何苦塵中爲京師不易居
我癡君更癡山中酒應熟幾日是歸期

范寬筆

宣和畫譜范寬游秦中遍觀奇勝落筆雄偉老硬真得山水骨法

韋郎

唐書韋應物傳京兆長安人建中初拜比部員外郎權左司郎

中許致簡遠似其爲人詩家比之陶元亮稱陶韋云

黃公廟

羈客無恒居六月走長路清風黃公祠地古欣所遇劍飛素
靈哭龍躍雲雨赴堂堂文成君談笑取帝傳功名要有命陰
相果何預誰謂圯上人異事驚竹素河清不可俟筋力疲世
故袖間一編書塵埃歟遲暮

黃公祠

史記侯世家孫子見我濟北穀城山下即我矣注括地志穀城山一名黃山在濟州東河縣東

圯上

又良從容常游下邳圯上注徐廣曰

圯橋也音怡

學東坡移居八首

廢地三畝餘十年長蒿萊瓦礫雜糞壤白骨溪蒼苔孤客無
所投卽此營茅齋墾廝豈不苦寢處亦可懷辱身賤者事寧
當惜筋骸伐木荒林中運甓古城隈辛勤八十日吾事乃得
諧買宅必萬錢一錢不天來今晨見此屋一笑心顏開

運甓

晉書陶侃傳在州無事輒朝運甓于齋外暮運于齋內其勤力如此

誰謂我屋寬寢處無復餘誰謂我屋小十日得安居南榮坐
諸郎課誦所依於西除著僮僕休休得自如老我於其間兀
兀窮朝晡起立足欠伸偃臥可展舒窗明火焙煖似欲忘囚
拘屋前有隙地客舍不可無花欄及菜圃次第當耘鋤東野
載家具家具少於車我貧不全貧尚有百本書

南榮

上林賦偃佺之倫暴于南榮注應劭曰屋簷兩頭如翼郭璞曰屋南檐也

依於

廣韵於居也

焙煖

陸游詩土焙煖烟暖

囚拘

鵬賦愚士係
俗窘若囚拘

故書堆滿牀故物貯滿箱渾渾商寶鬲纍纍漢銅章杖節昭
敬恭嚴卯訶痺剛雷文繞杖節獸面出佩璜私印刻王尊玉
斗蛟龍翔逸少畱半紙魚網非硬黃亦有雲首帖不辨作雁
行雪景賡思物宜政舊所藏晉公古漁父浩歌濯滄浪因觀
宮騎圖臥馳識提囊谿石含餘潤奚墨凝幽香南榮挂風響
雲裾珮鏘鏘鏡背先秦書八字環中央讀之三嘆息此日何
時光

漢章

史武帝紀更
印章以五字

杖飾

後漢書禮儀志年七十者授之玉杖
長尺端以鵠鳥為飾欲老人不墮

嚴卯

又與服志佩
雙印刻書文

日正月剛卯既決靈爻四方赤青白黃四色是常帝令祝融以教養龍庶疫癘瘧莫我
敢當疾日嚴卯帝令藥化俱兩周伏化靈靈爻既正既直既觚既方庶疫癘瘧莫我
當凡六
硬黃游宦紀聞硬黃謂置紙於黃紙上以黃蠟塗勻儼
如角枕毫釐畢見○陸游詩名帖變鈎擗硬黃
十六字
種曰巖石曰
西坑曰後登
奚墨穀耕錄唐末墨工奚超與其子廷珣自易水渡江居
歙州墨用松烟○格古要論以廷珣墨為第一品

壬辰困重圍金粟論升勾明年出青城瞑目就東縛毫釐脫
鬼手攘臂留空橐聊城千里外狼狽何所託諸公頗相念餘
粒分鳧鶴得損不相償抔土填巨壑一冬不製衣繪續如紙
薄一日僅兩食強半雜藜藿不羞蓬累行粗識瓢飲樂敵貧
如敵寇自信頗亦慙兒啼飯籬空堅陣爲屢卻滄溟浮一葉
渺不見止泊五窮果何神爲戲乃爾虐

重圍

八卷有圍城病中及
送浩然出圍城詩

青城

八卷癸巳四月二十有九日出京七卷五月三日
北渡詩○集出京者入青城也北渡者出青城也

先生被拘青城約四五日
又青城詳八卷出京注

鬼手

柳宗元詩鬼手
脫命爭織毫

聊城

地志山東西路
博州聊城縣

繪續

陸龜
蒙詩

瘦骨倍加寒

兒啼

杜甫詩癡兒未識父子
禮叫怒索飯啼門東

徒爲厚繪續

舊隱嵩山陽筭蕨豐餽餉新齋浙江曲山水窮放浪乾坤兩
茅舍氣壓華屋上一從陵谷變歸顧無復望樵漁憶還往風
土夢閑曠恍如悟前身姓改心不忘去年住佛屋盡室寄尋

丈今年僦民居臥榻礙盆盎靜言尋禍本正坐一出妄青山
不能隱俛首入羈鞅巢傾卵隨覆身在顏亦强空悲龍髯絕
永負魚腹葬置錐良有餘終身志懲創

嵩山

案先生自丙子南樓即寓三鄉復居登封集中如論詩三十首步虛詞載酒光武廟等作在三鄉也薛侯去思口號并頌三女阿秀生等云在登封也凡所云

嵩前洛西並是

浙江

新齋詩一卷○案先生自羅內鄉今後出居縣西南白鹿原長壽新居如築中出鄧州詩云六年留鄧州城及凡所云秋林別業菊潭丹水

浙江等並是

佛屋

案先生於已北樓後拘管柳城三卷密公寶章小集注云甲午三月二十一日書于柳城至龜寺之寓居即此

趙侯受之客于冠氏因作移居詩二卷

案先生詩序云北渡居陽平二十九卷于戶碑云于往客陽平六年九卷而夜詩六年真作買胡蘭別冠氏詩人時低眉常懷六年負並

是巢卵

世說孔融被收中外惶怖二兒徐進曰大人安見覆巢之下尚有完卵乎

魚腹

楚詞寧赴江流葬于江魚腹中

置錐

韓詩外傳窮居

陋巷無置錐之地

國史經喪亂天幸有所歸但恨後十年時事無人知廢興屬
之天事豈盡乖違傳聞入讐敵祇以興罵譏老臣與存亡高
賢死兵飢身死名亦滅義士為傷悲哀哀淮西城萬夫甘伏

戶田橫巨擘耳猶爲談者資我作南冠錄一語不敢私稗官
雜家流國風賤婦詩成書有作者起本良在茲朝我何所營
暮我何所思胸中有茹噎欲得快吐之溼薪燂滿眼破硯冰
生髭造物畱此筆吾貧復何辭

國史

詳本傳及墓銘。本集三十七卷南冠錄引京城之園子爲東曹都事知丹師將有束狩之役言于諸相請小字書國史一本隨車駕所在以一馬負之時相

雖以爲然而不及行也崔子之變歷朝實錄皆滿城帥所取百年以來明君賢相可傳後世之事甚多不三二十年則世人不復知之矣予所不知者亡可奈何其所知者忍索之而不記耶故以先朝雜事附焉。又三十九卷與樞判白兄書實錄一件只消親去順天府一遭破三數月功抄節每朝終始及大政事大善惡係與存亡者爲一書大安及正大事則略補之此書成雖遠死道邊無恨矣。靜修遺詩金太子九恭墨衍云策書紛紛少顏色空山夜哭道山翁注云沐亡張蔡公以金實錄歸遺山嘗就騰錄。名臣事略引王文康墓碑云公奏金寶錄尚存善政頗多寧可亡人之國不可亡人之史上重其言命國史附修遼金二史又言行錄云初公侍潛邸屢以史事爲言嘗舉楊奐元好問李治宜令秉筆至是公申前說命立翰林國史院時元楊已物故
南冠錄本集三十七卷
稗官漢書藝文志小說者流蓋出于稗官街談巷語道聽塗說者之所造也

東坡謫黃州符藥行江湖荒田拾瓦礫賤役分僮奴我讀移

居篇感極爲悲獻九原如可作從公把犁鉏我貧公亦貧賦
分無賢愚論人雖甚媿詩亦豈不如

拾瓦礫

蘇軾詩去年東坡拾瓦礫自種黃桑三百尺

此州多寓士論年悉肩隨風波同一舟奚必骨肉爲倪家蓮
華白每釀必見貽季昌妙琴事足以相娛嬉郭侯家多書篇
帙得徧窺趙子篤於學間以問所疑王生舊鄰舍窮達心不
移千里訪存歿十口分寒飢獨有仲通甫天馬不可羈直以
論詩文稍稍窺藩籬永懷王與李朔漠行當歸書來聞吉語
報我脫縈維慚非一狐腋不直五穀皮我作野史亭日與諸
君期相從一笑樂來事無庸知

此州當指蓮花白

新樂府中秋飲倪文仲家蓮花白酒中同李仁卿賦鵲橋天詞月宿秋清桂葉丹仙家釀熟水芝殘香來寶地三千界露

入金莖十二繁天濤濤夜漫漫五湖發客酒腸實醉來獨跨蒼龍去太華崑崙玉井寒

李仁卿同賦云太一滄波下酒星落處必飲出仙局情知天上蓮花白歷盡人間

葉詩述晚色散秋聲兵尉曉龍玉冷冷楚江雲錦三千頃笑殺靈均話獨醒十丈浪花
太一峯拍岸來赴酒船中碧筒象鼻秋泉滑澤國幽香笑捲空雲淡花月朦朧醉鄉千
里鯉魚風颭夷擊鼓休
驚客難穢生應忘惱公
季昌
即白季昌二十
九卷任君銘
郭侯
案二十八卷費際碑有郭嗣祖
廣威碑有郭仲文又五卷墨竹
詩有郭輔之
趙子
即趙仁甫本集
王生
即王贊子襄本集
未知是否
五卷贈答詩
王生
三卷雪後招飲詩
仲通甫
本集續編
通詩又河汾詩曹益甫有
王李
本集八卷有望歸程詩
送王仲通詩未知是否
疑指王百一李仁卿

歷下亭懷古分韻得南字

本集三十四卷濟南行記云置酒歷下亭故基此亭在府宅之後自周齊以來

有之。齊萊歷下亭濟南府城驛邸內歷山臺上面山背湖寬為勝絕少陵有陪李北海宴歷下亭詩。案歷城沈志引宋晁補之北渚亭賦序云歷下亭其最高處故賦有躋歷下之句藁之句參以行記及齊萊所載與晁賦序合知宋金元以來城內遺址如是若杜詩之歷下亭似即水經注之池上客亭自在城外蓋是時其城尚小非元和以後所慨拓者于欽引杜詩固非行記云周齊以來有之亦第據杜句海右此亭古意未免少檢為引沈志以證之

東秦富佳境北渚擅名談茲游亦已久纔得了二三南山壓
城頭十里奎與函洑流出地底城隅滿湖潭金絲弄曉光玉
玦響空嵌青蓮通畫舫秀水深雲龕華峰水中央鬱鬱堆煙

嵐荷華望不極綠淨紛紅酣毒熱非山陽與溼無江南承平
十萬戶他州隔仙凡劫火土一丘樹老草不芟巧盡露天質
到眼皆奇援千里歷下亭規摹見覃覃懷賢成獨詠勝賞何
由參

東秦

漢書田肯曰齊地方千里得十二焉此東西之北渚見補之北渚亭賦序亭

取杜詩名之○蘇子由北渚亭詩西湖已過百花汀未厭相攜上古城奎函案初白評云奎疑作益未知所出或係譌字金絲曾南豐集

玉焚旁流顯氣鮮華峯水經注濟水又東北經華不注山卑椒秀煙嵐宣和畫譜

金絲不定路南泉紅酣王安石詩柳絮鳴蜩綠暗荷花落日紅酣

舜泉效遠祖道州府君體

太平寰宇記舜井在縣東一百步○齊

云城南舜祠有二泉今竭矣又云泉之始發猶爲二池醴爲石渠自東南流于西北無不被焉○唐書元結傳代宗立拜道州刺史

重華初側陋嘗咈歷山田至今歷下城有此東西泉喪亂二
十載祠宇爲灰煙雨泉廢不治漸著五礫填蛙跳聚浮沫羊

飲畱餘羶我行歷荒基涕下何漣漣舜不一井庇下者何有
焉帝功福萬世帝澤潤八埏要與天地並寧待一水傳甘棠
思邵伯自是古所然我欲操畚鍤浚水及其源再令泥濁地
一變清泠淵青石壘四周千祀牢且堅石渠漱清溜日聽薰
風絃便爲泉上叟杯飲終殘年

入埏

淮南子九州外乃有人埏謝靈運撰
征賦穆淳風于六合清洪澤于八埏

清泠淵

山海經有神耕父處
豐山常游清泠之淵

杯飲

禮運符等而杯飲
注以手掬之也

與張仲傑郎中論文

元史張宏略傳字仲傑柔第八子也有謀略通
經史善騎射嘗從柔鎮杞毫。張柔傳柔致仕

命第八子宏略襲職柔子
十有一人宏畧宏範最顯

文章出苦心誰以苦心爲正有苦心人舉世幾人知工文與
工詩大似國手碁國手雖漫應一著存一機不從著著看何
異管中窺文須字字作亦要字字讀咀嚙有餘味百過良未

足功夫到方圓言語通眷屬只許曠與夔聞絃知雅曲今人
誦文字十行誇一日閑顛失香臭督視紛紅綠毫釐不相照
覲面楚與蜀莫訝荆山前時聞別人哭

國手

鍾祖一行不解棋因會燕公宅觀王積薪棋一局遂與之敵
笑曰此但爭先耳若念食道四句棄除語則人人爲國手

雅曲

吳志周瑜傳瑜曰吾

雖不及夔曠聞絃
賞音足知雅曲

濟南廟中古檜同叔能賦

因學齋雜錄楊安道字叔能號素庵默
翁博學無所不知而不爲科舉計常陸

仕于金邁亂南歸爲唐州司戶北還終于滄
里許後小亭集序。地志山東東路濟南府

亭亭祠宮檜鬱鬱上雲雨扶持幾年造物心獨苦青餘玉
川潤根入鐵岸古雖含棟梁姿斤斧安得取流狀地中久駭
浪思一鼓天柱屹不移水國奠平土乾坤此神物甲乙存世
譜瀕鄉畱耳孫闕里傳鼻祖秦松徒自汙蜀柏聊共數會待
十抱成茲焉重摩拊

瀨鄉

晉太康地記考縣城東有瀨鄉祠老子所生地也

闕里

闕里志夫子手植兩株在舊德殿前

銅鞮次郛道中

地志河東南路沁州銅鞮縣

山逕一何惡一澗復一嶺昂頭一握天放脚百丈井武鄉有
便道故繞銅鞮境涉險良獨難又復觸隆景羸驂蹄已穴怨
僕氣將瘦與世恒背馳用力何自省河汾紹絕業疑信紛莫
整銘石出壙中味者宜少警少時會一讀過眼不再省南北
二十年夢寐猶耿耿喻如萬里別燈火得對影行役豈不勞
聊當忍餓頃

一握天

廣異記典元南山絕頂謂之孤雲兩角華云孤雲兩角去天一握

何自省不再省

案潘岳秋興賦之華省自省少

陵入袁詩之華省清省皆兩義與此正同元選顧注云唐人字同義異不嫌重叶

河汾疑信

中州集董文用文中子讀經詩紛紛述作史才雄雞似秋

來百草蟲不是春雷驚蟄蛰蛰蛇會得化成龍遺山注子嘗以王氏六經為問先生云王氏六經以權道設教雖孔子亦然但後人不能知之因以此詩見示

蕭齋

井序

故民部長陵蕭公泰和大安之間名德雅望朝臣無出其右其爲太原道漕使時不肖方廁諸生間顧嘗一望眉宇以爲甚幸然亦以齒少且賤不得與橫經之末而爲恨也北渡後居陽平見關中人邢公達談公平生往往色揚而神躍問之知其爲公夫人之猶子也蓋公達之先人於公恩義良厚而公所以報之者爲甚力公達初仕部掾年甫三十遂爲州上佐出入臺閣者二十年雖其材致然亦藉公爲之司命耳予雅知公達之敬公也凡欲聞公之故則就訪之公達所居之屋乞名於予因以蕭齋目之且爲之說云士之生世有一鄉之士有天下之士有一人之所私慕有天下之所其稱分限所在不能以強人而人亦不得而強之也惟公承王公餘烈奕葉台鼎世譜完具與當陽

杜氏相上下故言氏族者推其貴出入經史優柔屢飲發
摛秘奧不減前輩蔡無可故言討論者服其博奏讞疑獄
致力忠愛一言之仁利及永久故言斷獄者歸其平疆禦
不奪其操公相不易其介幅巾鄉社坐鎮頽俗故言進退
者推其高蓋天下所共稱非一人之私慕高山仰止其誰
日不然古人有愛蕭子雲筆札者得蕭之一字遂以名所
居况於其所天平因爲詩以貽公達有好賢如緇衣者請
爲同賦焉

十年金門客一日蓬蒿人煙煤兩椽屋因公名字新昔公無
恙時四海望經綸敦龐一古儒風采自名臣人亡典刑在百
世畱清塵師尊世共然况子夙所親愛公入夢想逶迤見垂
紳教兒多讀書公言諒諄諄他時門戶改亦惟公所姻我嘗

望公顏道左避朱輪至今誦其詩喜色爲津津歸秦如未老
會買東家鄰

民部蕭公

中州集蕭尚書賁字真卿咸陽人唐太傅貞十七代孫有注史記百卷

卿咸陽人大定二十二年進士調鎮戎州判官涇陽令涇州觀察判官補尚書省令史
舊例試補兩月乃補用賁至數日執政以爲能卽用之擢監察御史提刑司奏涇州有
美政遷北京轉選副使親老歸養左丞董師中右丞楊伯通薦其文學除翰林修撰上
書論比年之弊人才不以器識操履巧于案牘不涉吏議者爲工用人不務因才授官
惟泥資叙名器不務慎與人多僇幸守令不務才實民罹其害伏望聖鑒真才以振流俗
核功能以理職業慎名器以抑僥倖重守令以厚邦本然後政化可行百事可舉矣詔
詞臣作唐用董重質誅郭誼得失論賁爲第一賜重幣四端賁論時政五弊言路四難
詞意切至改治書侍御史丁父憂起復改右司員外郎尋轉郎中遷國子祭酒兼太常
少卿與陳大任刊修遼史改刑部侍郎歷同知大興府事德州防禦使三遷河東北路
按察轉運使大安末改彰德軍節度使未幾改靜離軍節度使歷河東北路南南京路轉
運使御史中丞戶部尚書南京政嚴坐乏軍需詔釋不問與定元年致仕元光二年卒
諡文簡賁好學讀書至老不倦有注史記一百卷○敬濟古今註引蕭氏公論載魏書
郭祚語李彪曰爾與宋弁心交意離祚爾而獨怨我乎此則今人所云饒你饒人之所
出也饒讓也李子曰饒者相寬假之意今世但語謂寬假他人則謂與共田地此亦有
理案公論一書已

邢公達

秋間集碑陰先友記邢教字公達秦人性公直明法令

依止見於此故錄

蔡無可

中州集蔡太常珪字正甫大丞相松年之子七
歲賦菊詩語意驚人曰授數千言天德三年進

記事云部令史出身本集

十四卷題寒梅凍雀圖詩

上指第後不赴選調求未見書讀之其辨南為天下第一歷澄州軍事判官三河簿正隆三年銅禁行官得三代以來鼎彝器無慮千數禮部官以正甫博物且識古文奇字辟為編類官丁父憂起復翰林修撰同知制誥戶部員外郎太常丞朝基稽古禮文之事取其議論為多大定十四年由禮部郎中出守澠州道卒有績歐陽文忠公集古錄金石遺文六十卷古器類編三十卷補南北史志書六十卷水經補亡四十篇晉陽志十二卷金石遺文跋尾一十卷燕王墓辨一卷傳于世

別李周卿三首

本集二十一卷御史張君表云文士李周卿又入卷別周卿弟詩三十七卷靈泉序有周卿或是○案歷城沈

志以周卿即中州集之李寧州之翰第之翰宣和末攜弟公遺山海濟南時綫及百二十年尚得謂是人乎又以三詩附入濟南行記以足記文十五首之數不知六年河朔州一語與記文來河朔者三年矣不合甚明亦非也

行路澀於棘單車望千山歌君歸雲曲清涕畱餘潛六年河朔州動輒得謗訕唯君篤高義日來欵柴關古交松柏心今交桃李顏古人去不返古道挽不還相思一樽酒幽恨寄山間

澁棘

杜甫詩行路難行澁如棘

古今交

孟郊詩今交非古交貪語聞皆輕

風雅久不作日覺元氣死詩中柱天手功自斷鰲始古詩十

九首建安六七子中間陶與謝下逮韋柳止詩人玉爲骨往
往墮塵滓衣冠語俳優正可作婢使望君清廟瑟一洗箏笛
耳

玉骨

杜甫詩秋水爲神玉爲骨

俳優

漢書嚴助傳東方朔枚舉不根持論上願俳優畜之

城居日蛙黷局促復局促去作山中客放浪誰檢束溪光淡
於冰山骨淨如玉懷我同心人團茅住深竹垂綸鮮可食種
秫酒亦足石壇三萬丈醉眼天一粟安得萬里風相從兩黃

鵠

周鼎學有淵源東州詩人未見其比與子約西游如詩中所說

深竹

韋應物詩迴聲在深竹柳宗元詩苔色連深竹

訓韓德華送歸之作

本集四卷汝州詩十三卷小女詩

良朋滿東州歲月見忠悃韓侯晚相值意氣尤懇懇我嘗相
斯人趣向識端本立節相有心樹德蘭在畹官榮晚不顧寄

興浮雲巘今世走名場旗旆幾仆偃賤子本無取玉趾渠往
返昨聞遂歸養見謂竹林阮暑涂三百里追送不憚遠觀君
木訥姿百念爲日損顧方慙衣綢又被以華袞桑榆儻可收
歲事在穠蔭里門眼中見歸袖勞重挽雞黍先有期升堂未

言晚集猶類然

懇懇司馬遷報任安書柏心禮器如松柏之有心也浮雲巘杜甫詩時下萊蕪郭忽飢浮雲巘名場

阮籍詩係累利名場驚駭同一朝曰居易詩帝都名相場雞鳴無安居日損老子爲學日損益爲道日損華袞效梁傳序一字之

戊戌十月山陽雨夜二首地志河東南路懷州山陽縣其定四年以修武縣重泉村爲山陽縣屬輝州

朔吹作還止雲意鬱以周十月雷收聲陽和自油油此雨非
舊雨春旱歷夏秋道路土三尺今朝見浮漚三城信樂土凶
年未消憂一蝗食禾盡半菽不易求流民四方來斷港魚蝦
稠忍死待一麥秋種且未投乾溢誰所司零壇徧九州醉飽

到狐鬼巫覡自懷羞帝命制江湖野語良悠悠龍公爲汝賀

桑榆定可收

朔吹

唐太宗詩代馬依朔吹

雪壇

公羊傳大雪旱祭也春秋繁露大旱雩祭而請雨史禮志祈祭卜日子都門北郊望祀岳鎮海瀆有司行事用酒脯

醢七日不雨祈社稷又七日祈宗廟不雨仍如初所

後十日不雨乃徙市禁屠殺斷飲賜造土龍以祈

霏霏散浮煙靄靄集微至出門望白堦但覺襟袖潤繁聲忽
赴節細點復成陣久渴宜未厭已作寧小靳山陽冬候煖麥
脚易滋分土膏入滲漉破粒容可趁此邦信可樂風土同一
晉單車我東來塵土滿歸鬢畏糧失先具閉韞困餘吝今朝
人事改一雨開百順僧窗晚色淨喜極夢爲盡枕上一詩成
燈花落紅燼

盆

說文廣韻扶摩也分問切

東來

案本集九卷入濟源寓舍詩注云戊戌八月二十二日此云我東來殆來自濟源也

看山

慘慘悲去國鬱鬱賦卜居不采西山薇卽當葬江魚今日忽
有得蕩如脫囚拘青山坐終日忘讀案上書皋壤與山林使
我欣然歎我身天地間託宿真蘧廬無窮閱有限萬期亦須
與坎止及流行何計疾與徐百年險與夷又似萬里途良馭
馳康莊九折亦摧車必惟易之就遇險當何如化化復生生
體異理不殊鷺非浴而白烏豈黔而烏誰續長蹕鶴誰截短
足鳬孔墨不煖席盜跖華堂居公車困方朔太倉飽侏儒杜
子露雙肘朝參出無驢軟裘與快馬照耀輿臺軀天隨隱笠
澤杞菊供盤盂擊鮮日爲具大嚼皆屠沽乖逢自乖逢賦分
無賢愚作計窮一我造物良區區嚮也憂不足乃今樂有餘

皋壤

莊子山林與皋壤與使我欣欣然而樂與

蘧廬

又仁義先王之蘧廬也止可以一宿而不可以久處也注云傳舍也

萬期

劉伶酒德頌天

地爲一朝寓

坎止

漢書賈誼傳乘流則逝遇坎則止

白烏

莊子鷦不日浴而白烏不日黔而烏

華堂居

案居字與上下

居義同重叶或係
譌字擬改作娛字侏儒
漢書東方朔傳侏儒飽欲死臣朔飢欲死露肘
杜甫詩麻鞋見天無臚
又詩
蹇蹇許借我死
又詩款款快軟裘
又詩款款快與臺軀
又詩越羅與楚練照耀與臺軀杞菊
賦云宅前後
滑不敢騎朝天
皆樹以
杞菊

九日讀書山用陶詩露淒暄風息氣清天曠明為韻

賦十首

臚字初白評云疑誤陶集作象

行帳適南下居人踟庭戶城中望青山一水不易渡今朝川
涂靜偶得展衰步蕩如脫囚拘廣莫開四顧半生無根著筋
力疲世故大似丁令威歸來歎墟墓鄉間喪亂久觸目異平
素枌榆雖尚存歲晏多霜露

丁令威

洞仙傳丁令威者遼東人少隨師學得仙書所歸化為白鶴集郡城門華表柱頭言曰我是丁令威去歲千歲今來歸城郭如故人民非何不學仙

氣繁累○遼東諸丁

枌榆

漢書郊祀志高祖祠枌榆社注鄉名也

今日復何日霜氣倏已淒登高有佳招山中古招提翩翩劉

公子王田重相攜乾坤動詩興澗壑忘攀躋霍侯家甚貧劣
有酒與雞城居獸顰鼓移家此幽棲世網不易逃所向皆塵
泥何以濯我纓林間有清溪

招提

翻譯名義集後魏太武始光三年造伽藍創立招提之名

劉公子

案公子即濟川見後四卷爲賦詩注

王田

案王田似即王鍾棠

芝井也未詳何人

山腰抱佛刹十里望家園亦有野人居層崖映柴門昔我東
巖君曾此避塵喧林泉畱杖屨歲月歸琴樽翁今爲飛仙過
眼幾寒暄蒼蒼池上柳青衫見諸孫疎燈照茅屋新月入頽
垣二句先人詩依依覽陳迹惻愴不能言

東巖君

中州集先大夫詩鄉先生權參知政事代郡楊公叔玉謨先人墓銘今畧載於此先生姓元氏字德明秀容人唐禮部侍郎次山之後自幼讀書世

俗事終其身不挂口爲人誠實樂易洞見肺腑雖童子以言欺之亦以爲誠然也先大父發遺產無幾先生布衣蔬食處之自若家人不敢以生理累之僮奴有竊拾東家之資者立命還之貧人負債則往往合折券以貸之也累舉不第放浪山水間未嘗一日不飲酒賦詩春秋四十有八終于家先生作詩不事彫飾清美圓熟無山林枯槁之

氣居東山福田精舍首尾十五年
東巖其自號也有集三卷藏于家
花淡幽嫌宿鳥喧卷中林處士相
對兩忘言案新月作山月小異

疎燈

又元德明燈下讀林和靖詩落葉落復落清
霜今幾番疎燈照茅屋山月入顏垣老愛寒

霜氣一區薄杳杳秋山空臨高望煙樹黃落雜青紅造物故
豪縱窮秋變春容錦障三百里不盡臺山東粲粲黃金華羅
生蒿艾叢野人不知貴幽香散秋風秋物自橫陳顧揖苦不
供誰能搖醉筆吐句凌清雄

黃金華

清涼山志名花曰金芙蓉十四卷臺山詩云誰
家隨步得金蓮案此花以出五臺山者為美

橫陳

陸龜蒙詩倚牆
當戶自橫陳

宇宙有此山閱世過烏疾何人不此遊名姓寧復識茲辰世
所重前代多盛集柴桑有故事二謝畱俊筆併數孟與桓此
外誰記憶人生百年內踏地皆陳迹獨惟我輩人興懷念今
昔山林與泉壤自古長太息

柴桑故事

陶集有九月九日飲酒詩
已酉九月九日詩

孟桓

晉書孟嘉傳九月九日桓溫宴
龍山有風吹孟嘉落帽云云

賞心古難并暮景日易費故人成此游尊酒重相慰新詩互
騰唱清談兒滋味鱸鮑方優蹇龍鼠共騰沸懸險劇褒斜消
渾雜涇渭爭教十圍腹滿貯憂與畏情親到真率寧復轉喉
諱鄭重伯雅生藉汝聊吐氣

伯雅

趙德麟侯鯖錄聞州有三雅池潘遠紀聞云昔有人修此池得三銅器狀如盃
蓋各有二篆字一云伯雅一云仲雅一云季雅不知所由乃名此地為三雅池

余覽魏文典論云劉表一子好飲製三爵大曰伯雅
次曰仲雅小曰季雅今三雅池所得乃劉氏酒器也

往年在南都閑閑主文衡九日登吹臺追隨盡名卿酒酣公
賦詩揮灑筆不停蛟龍起庭戶破壁春雷轟堂堂髯御史痛
飲益精明亦有李與王玉樹含秋清我時最後來四座頗為
傾今朝念存歿壯心徒自驚

閑閑

本集藝銘公諱秉文字局臣姓趙氏閑閑其自號也磁州滏陽人大定二十五
年進士調安塞簿遷邯鄲唐山令充南京轉運都勾判官又用薦者入為應奉

翰林文字同知制誥上書論事免官出為岢嵐軍州事轉度支判官承安五年冬上謂
宰臣張萬公曰趙秉文前以言事降聞其人有才具且敢言朕非不用以筆與試之耳

泰和二年改戶部主事遷翰林修撰考滿留再任大安初出爲刺史入爲兵部郎中兼修撰貞祐四年除侍講學士轉侍讀與定中拜禮部尚書同修國史知集賢院又明年知貢舉坐爲同官所累奪一官致仕不數日復官如故今上卽位改翰林學士修國史開興改元五月春秋七十有四終于私第大槩公之文出于義理之學故長于辨析極所欲言而止七言長詩筆勢縱放不拘一律律詩壯麗小詩精絕至五言則沈鬱頓挫似所嗣宗真淳古淡似陶淵明以他文按之或不近字畫則有魏晉以來風調草書尤驚絕始天縱所到非學所能至也

九日吹臺

水經注陳留風俗傳縣有蒼頡師曠列仙之吹臺梁主層築以爲吹臺城隍慢滅略存故比方一百許步

○太平寰宇記吹臺在縣南五里○阮籍詩駕言發魏都南向望吹臺○歸潛志正大初開開同館閣諸公九日登極目亭俱有詩趙云魏國河山魏照襄梁王樓殿野花開鷗從白水明邊沒雁向青天盡處回未必龍山如此會座中三館盡英才雷希顏云千古雄豪幾人在百年懷抱此時開李欽止云連朝空憶薄雲堆孤負菊花酒一盃

御史

案御史卽雷淵字希顏多善詩飲詳一卷

李

案卽欽止字獻卿

王

案卽渥字仲澤詳後八卷卽別九卷內哀詩注

我在正大初作吏浙江邊山城官事少日放浙江船菊潭秋
花滿紫稻釀寒泉甘腴入小苦幽光出清妍歸路踏月明醉
袖風翩翩父老遮我面謂我欲登仙一別半山亭回頭餘十
年江山不可越目斷西南天

半山亭

見後三卷
招飲詩注

吾山一何高，清涼屹相望。龍頭出白塢，佛屋壓青嶂。雲光見
秋半，旭日發毫相。峩峩寶樓閣，金界儼龍象。鄉曲二十年，香
火闕瞻向。金花香綿草，夢想雲雨上。福田行欲近，重爲詩酒
障。終當陟層巔，放眼天宇曠。

清涼

華嚴經疏：清涼山者，卽代州雁門五臺山也。以歲積堅冰，夏仍飛雪，曾無炎暑，故云。

寶閣香綿

見後十四卷五臺詩注

福田

中州集：元東巖寒食再遊福田寺詩：春山寂寂掩禪扉，覆盤盤入翠微。布轡青鞵供勝踐，粥魚齋鼓爲元機。日烘幽徑綠煙煖，風定曉枝紅雨稀。曾是西堂讀經客，不應啼鳥歸。

鳥也
催歸

紫微老仙伯，少日見承平。甲子五百餘，雙瞳益清明。披莊不
盈尺，條然澹無營。庭柯挂秋蔬，老樹風泠泠。我有年德尊，公
深鄉曲情。思得菊潭酒，爲公制頽齡。作詩語同游，明年復尋
盟。看翁九節杖，翩翩上崢嶸。

紫微

讀夷堅志：王生寬報紫微劉尊師說。○本集七卷北行詩注。

頽齡

陶潛詩：酒能祛百慮。

菊爲賦
頽齡

九節杖

杜甫詩安得仙人九節杖拄到王女洗頭盆

畱月軒

文室何所有琴一書數冊花竹結四鄰繁陰散芳澤閑門無
車馬明月卽佳客三人成邂逅又復得懽伯懽伯屬我歌蟾
兔爲動色商聲隱金石桂樹風索索乾坤月與我光滅卽生
魄元精貫當中寧有天壤隔卯君尚奚待言論累數百多談
令人厭坐睡驚墮憤一笑雞未鳴虛窗自生白

歡伯

易林酒爲歡伯除憂來樂酒諸哲人謂酒爲歡伯蓋無貴賤賢不肖其甘而樂之

元精

李賀詩元精耿耿貫當中

卯君

蘇軾詩東坡持

是壽卯君注
子由已卯生

梨花海棠二首

梨花如靜女寂寞出春暮春工惜天真玉顏洗風露素月澹
相映蕭然見風度恨無塵外人爲續雪香句孤芳忌太潔莫

遣凡卉妬

妍花紅粉妝意態工媚嫵窈窕春風前霞衣欲輕舉金槃渺
華屋國豔徒自許依依如有意脈脈不得語詩人太冷落愁

絕殘春雨

趙吉甫西園

園名種德。河汾詩曹益甫趙吉甫種德園詩培植工夫與日新風光別是一家。三味槐波堂堪攜九畹蘭芳佩

可初桃李陰成應有地棟梁材出豈無人從今不羨燕山賢五桂聯芳老
一椿。○陵川集種德園記趙氏燕廬仕之家也汲古先生置園別第綠園
而草木發闢館而泉石列不務嬉游而不啻宴樂有意乎推本之種夫德
也故名之曰種德將由名以致實張本乎是園必推而放之四海而草而
後已指紳先生皆有詩文以誦之丁未夏敬翁鼎臣自燕致命于僕以為
記僕亦冀夫種德之業繁衍之盛集乎趙氏之門而有以徵之為天下倡
使天下之人皆有以種夫
德之目故蔓衍而為是言

王城北民居近市無閑田閑田八九畝乃在城西偏久矣瓦
礫場莽為狐兔阡高人一畱顧老木生雲煙築屋臨清流開
窗見西山人境偶相值遂無城市喧趙侯嗜讀書兀坐守遺

編性情入吟咏古淡無妖妍酸鹹與世殊至味久乃全我作
別墅詩請爲子孫傳畊耜有定業歉豐屬之天寧作鹵莽兒
袖手待逢年汲古先有齋種德今有園期君在晚歲無庸計

目前

酸鹹

韓愈詩嗜好與俗殊酸鹹

鹵莽

莊子昔子爲天耕而鹵莽之則其實亦鹵莽而報

汲古

秋菴集晚趙汲古八秋之壽効樂天體詩人生

八十今極壽兄復兒孫滿眼前汲古園中趙夫子燕京城裏地行仙摩挲金狄門前客
精健耆英會裏人坐到天津橋畔月池塘春草幾同新崇慶初年紫綬授至元八載事
康寧人間八秩風流事無侶君家種德縣十卷有
趙汲古南園詩案西園在燕京前南園當在洛陽

臨汾李氏任運堂二首

并序

彥仁從軍久厭於事物之累念欲脫去之而不可得也故
嘗鬱鬱不自聊求子發藥之予名其居曰任運堂且爲賦

詩

官職有何好凜凜蹈危機車塵及馬足捧手仍低眉棄去何

足道無從脫繫維不如聽其然歲晚儻可期此心未馴初養
虎時飽饑一爲金石止坐閱萬物馳汨泥揚其波哺糟醖其
醪漁父我所學靈均竟奚爲上堂壽慈親兄弟如墳篋菽水
致足樂況有甘與肥人生天地間長路有險夷遇險卽欲避
安得皆通達君家北山翁百世畱清規樂天而知命行矣君
何疑

北山翁彥仁之伯祖泰和中以高道提點天吳曹莘公贈詩有百世清規之語故及之○三十一卷通元碑君諱大方字廣遠貞祐南渡還鄉邑自號北山退翁云

杜甫詩安能低眉折腰向權貴

見楚詞漁父

履危恨無機避禍欣有策後慮徒自密前路寧汝測七戰歿
臚下坐談得刺客周身容孔智伐木不末厄九折怯乘險瘴
海悲遠謫就令家長安獨不死牀簣人生多憂畏年壽幾至
百惴惴首尾間天宇坐成窄重泉青雲梯平地黃土陌垂逢
有定在拙計徒巧擇行樂當及時莫待頭雪白

黃土陌見初學詩勿誤門

題張左丞家范寬秋山橫幅

案左丞卽張行中信甫史
傳見本集拙軒銘引

層崖閤長陰細逕緣絕巘梯雲欄干峻廓廓清眺展斜陽半
天赤飛鳥大江遠清霜張秋氣草樹生意剪風雷斫堅敵旗
旆紛仆偃崢嶸峯巒出莽蒼林薄晚盤盤范家筆老懷寄高
蹇經營入慘澹得處乃蕭散嵩丘動歸興突兀青在眼何時
臥雲身團茅遂疎嬾

宿張靖田家

地屬
壽陽

川涂盡坡陀嶺路入荒梗微茫望煙火向背得廬井殘民安
朴陋倦客喜幽屏兒童聞扣扉租吏有餘警兩崖紛藁薄砂
石立頑獷湍流落空嵌百折不容騁山深饒風露夜氣淒以
耿園花澹相望邊月空照影深居苦不早素髮忽垂頰誰謂
林野人茲焉惜清景

曲阜紀行十首

地志山東西路兗州曲阜縣○章紀明昌元年三月辛巳詔修曲阜孔子廟寧二年四月壬寅詔總封衍聖公

孔元楷視四品秩三年十月壬子有司奏增修曲阜宣聖廟里勅允懷英撰碑文朕將親行釋奠之禮其檢討典故以開四年八月丁未釋奠孔子廟北面再拜六年四月癸亥勅有司以增修曲阜宣聖廟工畢賜衍聖公以下三獻法服及登歌樂一部仍遣太常舊工往致孔氏子弟以備祭禮八月己未命兗州長官以曲阜新修廟告成于宣聖承安二年二月特命襲封衍聖公孔元楷世襲曲阜令○金石華編題名太原元好問劉俊明京兆邢敏上谷劉翽東光句龍溫湯陰張知剛汝陽楊雲鵬東平韓駿恭拜聖祠遂冀林惠乙巳冬十二月望日謹題凡八行行書左行○蔣平仲山房隨筆楊煥然號關西夫子題孔子廟云會見春風入杏壇奎文閣上獨凭闌淵源自古尊洙泗述何人似孟韓竹簡不隨秦火冷楷林高倚魯城寒浮雲蹤跡千年後無分東家寄一簞又覺懷英詩魯國道蹤墮渺茫獨餘林廟壁城荒梅梁分曙霞樓景松牖同春月駐光老樹曾沾周雨露斷碑猶是漢文章不須更問傳家久太岱參天汶泗長堂承安間人工篆書舊作杏壇二字刻于祖庭○案題名石知先生是年五十六歲為蒙古后乃馬真稱制之四年乙巳去金亡已十年矣上考衍聖公孔總立石顏子墓在大定廿四年甲辰章宗拜廟在明昌四年癸丑党世傑撰碑在六年乙卯三楹災在宣宗貞祐二年甲戌入蒙古後嚴忠濟假頒厥錄修廟在太宗九年丁酉孔元楷立石聖考墓及魏璠等題名在乃馬真三年甲辰見諸閣復廟碑楊奐游記皆為乙巳前事主蒙古后海述失稱制元年戊申復鄆國後廢憲宗二年壬子煥然作游記則在乙巳以後推金源與蔡本事宜詳元初紀載與先生紀行時事為近故按年件誌之至楊紀雖後七年而規制與詩語尤合復于每詩下節采其文庶見遺山當日

紀行游
跡也

荒城臥魯甸寒日澹平蕪千年素王宮突兀此城隅我昔入
小學首讀仲尼居百讀百不曉但有唾成珠少長授魯論稍
與義理俱攝齊念升堂壞壁想藏書翩翩七十子佩服見舒
徐慨然望闕里日思膏吾車五原東北晉因循迫桑榆今日
復何日南冠預庭趨隱隱金石聲恍如夢清都偉哉神明觀
欣幸當何如

素王

杜預左氏傳序說者以爲仲尼自衛反魯修春秋立素王以邱明爲素臣

壞壁

孔安國尚書序尚書百篇之義世莫得聞至魏於王好治宮室壞孔

子舊宅以廣其居子壁中得先人所藏古文皆科斗文字又升孔子堂聞金石絲竹之音乃不壞

五原

歐陽詹句

殿屋劫火餘瓦礫埋荒基入門拜壇下儼然想光儀憶當講
授初佩服何逶迤登降幾何人鸞鳳相追隨千年仰堦級天
險不可躋文杏誰此裁世世傳清規植根得所託在木將何

知

杏壇

堯懷英重修孔廟碑云臣魯人也杏壇舊宅猶能想見其處○高德齋杏壇銘云周室下衰王綱解紐非大聖人任綱莫救天挺夫子生民未有立言範世木舌金口三千之徒義由此受我修遺壇寔爲教首萬代護持天長地久○楊奐東游記壬子三月謁關里班杏壇下拜謁祝板如禮又云杏壇二字爲竹溪堯懷英書

堂堂魯三檜培植出天巧規模欲十抱奇秀供百繞誰言甲
戌亂煨燼入炎燎青煙千雲上羣鶴空自矯哀哀嶧陽人腸
肺痛如攪魯郊木何限名取唯一少神明信扶持厄運豈易
曉雲臺滿荒榛達宮餘曲沼紛紛闕成壞何異晏與早道存
有汗隆物齊無壽天霜皮眼中見鬱鬱自塵表君看太山石
萬古青未了

三檜

東游記手植三檜二株在贊善殿之前一株在壇之南然燬無復了遺趙秉文麻九疇有頌有詩○陵川集有手植檜復萌文○明孔涇聖檜記金宣宗貞祐

二年甲戌罹于兵火枝幹無遺後八十一歲甲午爲元世祖至元三十一年故根重發

甲戌亂

宜紀貞祐二年夏山東游記入大明禪院觀達泉水中石出如伏龍怒層寺碑云魯之泉宮也

達宮

陋巷陋復陋老屋在人境門前軒蓋多閉戶自幽屏近郊無
百畝負郭纔半頃饘粥聊自供取足唯一井此井閱千歲清
節傳箕穎尚想瓢飲初至味久益永德鄰與周旋聖域容造
請貧中有此樂日暮獨何炳泫然窺古甃一勺試甘冷上池
果能神轉盼得深省塵埃竟何有素髮忽垂領其學誰我容
從之抱修綆

陋巷

東游記出北偏北行向陋巷觀鎮井亭
亭廢矣○陵川集有曲阜懷古顏巷詩

上池

史記扁鵲傳飲
以上池之水

修綆

韓愈詩
汲古得

綆

泮宮何所有舞雩但荒臺泮水涸已久北風捲黃埃顧瞻魯
公宮感極令人哀獻馘亦盛事規模到平淮作計萬萬古而
今安在哉獨愛鼓瑟翁不與三子偕宗周方訖籙聖師猶卷
懷但欲春服成風乎詠歸來我亦淡蕩人涉世寡所諧浴沂

行有日一笑心顏開

泮宮

東游記薄暮自假門望兩觀登泮宮臺臺下水深丈許而無源三咏采芹之章而後下

舞雩

水經注南門亦曰雩門南隔水有雲壇高三丈會

點所欲風舞處淡蕩

太白句

大姦何所如猘兪雄且猛雖然弭耳伏擇肉會一騁卯也不
敗露名與聖師竝天刑竟莫逃不待七日頃曹瞞盜漢璽僅
得保腰領與卯均小人脫網乃差幸小偷學不至適足汚樵
鼎不從市朝肆必就遠方屏兩觀餘坡陀萬世示頑獷神兵
懷可怖過者宜少儆

猘兪

說文似狸虎爪食人迅走也

兩觀

見上記○家語孔子為魯司寇七日而誅少正卯發立于兩觀之下

不見講堂處指似存世譜遺基洳泗間荒蕪餘十畝聖師既
已老自衛歸在魯正樂修六經卒業此其所當時季路室完
整逮建武太僕忠且壯持用方禦侮如何唐盛日一廢不重

舉中和天地位寧復俟庭廡所嗟世道衰師授日莽鹵空餘
千歲井甃黑照終古

講堂

東游記林東三里講堂也林與堂俱在涿北泗南世家周敬王三
十六年孔子自衛反魯刪詩書定禮樂繫易于此視堂非在其西
後漢書蔡邕傳永平十二年徵為太僕顯宗嘉其功東巡過魯坐
孔子講堂顧指子路室語左右曰此太僕之室太僕吾之禦侮也

季路室

白塏表佛屋萬瓦青粼粼何年勝果寺西與姬公鄰塏廟恣
汝為豈合魯城闐魯人惑異教吾道宜湮淪許行學神農耒
耜手自親當時子孟子直以為匪民况彼桑門家糞壤待其
身一朝斷生化萬國隨荆榛孟氏非所期安得楊與荀丹青
贊神化舊染為一新坐令鐘魚地再睹籩豆陳吾謀未及用
勿謂秦無人

天地有至文六籍開聖謨聖師極善誘小智祇自愚文章何
物技不直咳唾餘操戈競虛名望塵拜高車所得不毫髮咎

賁滿八區公論懸日星豈直小人儒喻彼失相者偃不知所
如指南一授轡聖門有修途陽光照薄暮尚堪補東隅悠哉
發深省灑掃今其初

林墓連魯城方廣十里間林間百草具棘刺死不蕃楷槐作
橫理青青閱千年懷人成一慨何止召公賢博陵石翁媼名
字無畱鐫兩獸墓前物歲久乃訛傳昨我游魯門規作孔林
篇聖人與天大聖道難爲言所見不一記來者何述焉詩成
私自媿小子良斐然

林墓

皇覽孔子家去城一里坐百畝南北廣十步東西十三步高一丈二尺坐中樹以百數皆異種魯人無能名其樹者坐中不生荆棘及刺人草○東游記北出

龍門入孔林由輦路而北石表二石獸四石人二拜先聖如初禮林廣十餘里竹木繁茂未見其比而楮木以文爲世所貴無荆棘無鳥雀巢

寶巖紀行

王庭筠五松亭記林廬西山橫絕百里隱然猶臥龍嶺嶺爲首天平爲脊黃華爲脇晉班門爲尾迤邐北去退而望之牛天壁

嶺疑若無路蓋窮探其肺腑益深而益奇黃華之佛祠天平之道宮今爲墟矣惟嶺峪寶巖寺爲獨院寺創於高齊天保初至本朝大定中寶公草

爲禪居鐘鼓清新林泉改色始爲天下開寺○劉祁遊林慮西山記明發
邑中士大夫譙集作一日爾會姚公茂諸君南來相約同遊徼谷日辰出
南城三十里入柵林林比黃華頗大林行四五里入山路比黃華頗夷谷
亦曠樹木繁鉅水聲比黃華差小渡溪至寶巖寺寺在竹間舊有名刹冠
一方遭亂惟二浮圖在大殿經閣址宛然新構功未畢其南屋號五松亭
亭亡止餘一松王子端記之碑陰刻劉治中濟詩濟亦聞人東北石屋號
戒猴洞洞中浮圖石像及諸佛經刻在石起高齊峯端有檐蔓隱隱號金
門寺云有僧居路險林深遊者罕到會坐西軒軒外竹成林流泉環琅瑜
軒入竹如簷溜聲不絕東南山缺瞰川原雖峭密不及前華而宏邈有過
之者寺有浴室放泉以燒旦入浴神體爽繼飯餘請張天覺聖睇圖記及
邊德舉寺碑文頃之復杖屨西上屋北轉有大石方丈餘雪瑩瑩平枕溪
號石席上刻杜相公子美所作銘銘云溪石齒齒溪水潄潄鳴玉跳珠水
流石間涓涓涓涓月冷冷溪風風吟松梢月湛杯中欲醉而歌既醉而臥悠
悠千古浮雲之過充相人辭清婉字畫亦適逸可愛即共坐賦詩起而前
山特變化出奇林益深密時時佇立從容霜已降樹林有改色者於青翠
中間見紅葉如春華又清泉白石舉步如圖畫天風平至樹聲與泉聲雜
如笙竽環珮交鳴又若琴瑟未終鼓鼓迭起日光下遠林陰影玲瓏斑
駁龍蛇象相交余數人者坐其間談道論文自謂雖此世捨擲亦片日如
仙耳又三四里路崎嶇合勢如黃華山巖巖飛瀑下流亦如黃華水山疑
樓閣刻畫削鐵敷金水則絡繹縈繞千絲萬縷乃共坐泉間客與天清月
明映玩適佳球網玉旒搖動半天外晶熒閃爍姿態橫生潏雪跳水潭面
峰起又相與賦詩道其事巖下多大石細流穿石罅作金鐵聲舊有亭號
知勝王子端作記一無餘跡歸途題大石龕晚出谷與公茂諸君
別第以不到天平爲恨還宿林慮雨聞三日九月朔續遊相臺

陰崖轉清深秋老木堅瘦城居望已遠步覺脫氛垢寶殿夙
所愛丈室方再叩曛黑纔入門徑就石泉漱遙遙金門寺寶
焰出巖竇我豈無盡公昔見今乃又同來二三子寢飯故相
就況有杜紫微琴筑終雅奏瞳瞳上初日深樾炯穿漏逶迤
陟西巘萬景若迎候絕壁三面開仰看勞引脰兩山老突兀
屹立柱圖覆諸峯出頭角隨起隨偃仆不可無煙霞朝暮爲
先後橫亘連巨鰲飛墮集靈鷲九華與奇巧五老失渾厚想
當位置初遂欲雄宇宙太行有硤谷勝絕無出右大似塵外
人眉宇見高秀哀湍下絕壑電擊龍怒鬬崩奔翻雪窖瑩滑
瀉瓊甃窮源得懸流偉觀駭初邁僊人寶樓閣白雨散簷溜
天孫拂機絲素錦絢清晝永懷登高賦意匠困馳驟窘於游
暴秦百說不一售林間太古石稍復抔飲舊已約銘窪尊細

鑿畱篆籀茲山緣未了僧夏容宿畱終當勾餘年奇揆盡雲

岫

九華

劉禹錫詩序山在池州九峯競秀神采奇異

五老

白居易廬山記棲賢寺東北有五老峯廬山之勝此為最

簪酒

許渾詩石廬凝積

簪酒挂飛泉

窪尊

見次山集

僧夏

荆楚歲時記四月十五日天下僧尼就禪刹挂搭謂之結夏范成大詩我欲今年來結夏莫屬岫幌掩雲關

雁門道中書所見

金城畱旬浹兀兀醉歌舞出門覽民風慘慘愁肺腑去年夏秋旱七月黍稷吐一昔營幕來天明但平土調度急星火通負迫捶楚網羅方高懸樂國果何所食禾有百膳擇肉非一虎呼天天不聞感諷復何補單衣者誰子販糴就南府傾身營一飽豈樂遠服賈盤盤雁門道雪澗深以阻半嶺逢驅車人牛一何苦

百膳

禮月令仲夏行春令百膳時起、漢書五行志百膳之類注煨食苗心陸食苗葉

擇肉

東京賦擇肉西邑注周書曰毋為虎傳與將飛入邑擇人

而食也

岳祠齋宮夜宿

煌煌德寧宮，望秩年祀永。唐來幾焚蕩，規制仍峻整。龍旂嚴
黼座，金闕散光炯。嶽拜行且周，偉觀竊欣幸。青紅畱壞壁，兵
衛自馳騁。木杪見龜趺，雄筆映鐘鼎。中和昔喪亂，已溺寧再
拯。有來雁門公，赤手探虎鯁。經營入慘澹，灑落出鋒穎。凶豎
竟自摧，神鑒益彪炳。青山閱人代，今古一炊頃。摩挲盤根槐，
甲子誰記省。竭來石門道，煙岫接雲嶺。霄漢瞻上階，濃碧插
秋影。青林雨聲集，懸瀑激奔猛。森然心魄動，冰雪淒以耿。飄
飄想僊袂，飛下玉蓮井。昨夢知是非，復此造眞境。妙香淨餘
習，灝氣發新警。鶴書來何遲，素髮迫垂領。元壇展衰步，似欲
遂幽屏。高柯月紛紛，裴回惜清景。

雄筆

案宋太宗淳化二年重修北岳廟碑張訓立王禹偁撰文真宗大中祥符九年冊加帝號碑文仁宗皇祐二年重修廟記韓琦撰并書 中和唐

宗元年

雁門公

五代史唐莊宗紀中和元年以李克用為代州刺史雁門以北行營節度使

凶豎

又史三年二月詔鎮兵會長安大戰

辛丑

渭橋黃巢敗南走出監田

神聖

見北岳

關京師平克用功第一

趙名

示程孫四首

本集七卷有程孫鐵安詩詳二十一卷御史表

并州望南宮東南千里餘六年念兒女鬱鬱心不舒程孫問
安否一月兩寄書老我倦出門況是涉畏途鞍馬二十日面
色為焦枯白兄應見笑此行亦區區

南宮

地志河北東路冀州南宮縣

白兄

指文

吾女在吾家先以安卑弱雖然適貴門一味甘儉薄財廉出
仁讓語省見端慙婦道化一州母女皆願學州人聞我至相
與喜且愕謂我六十翁齒髮未衰落擊鮮日為具和氣動城
郭為說壻女賢宅相知有托乃公私自賀一月醉杯杓生女

四十年今有爲父樂

女

案此先生長女本集八增 案即思溫字端甫
卷有別標女詩許墓銘 見廿一卷御史表

直孫年志學玉立無纖瑕簡孫甫勝衣芳蘭茁其芽粲粲彩
翠翔鵷雛映朝霞諸孫獻公壽喜極復長嗟吾母河南君聞
門靜無譁殷勤教女孫乃今成汝家老我何足道外舍儘得
誇

河南君

案此即隴城府君妻張夫人
也本集四十卷有五七詩詞

會聚樂不貲言別悽以惻風雲動老懷車馬見行色明年吾
六十家事斷關白唯當近酒醲亦復拋書冊提攜兩童子欸
段或下澤玉雪念吾孫未覺千里隔乘興徑一來髯增當速
客

九月初霖雨中感寒痺作

留飲工作祟臂股半風淫風淫喜陽景旬浹坐秋霖兒寒益
跳梁衰暮苦難任病症怯遙夜破窗風露浹兩年魏大名千
門響霜碓客行足繪續家居但疎衾絢絲不易得候蟲徒自
吟無衣思南州傷哉非獨今

風淫

左傳醫和曰風淫末疾白居易詩風痺宜和暖春來柳軟輕

秋霖

楚詞皇天淫淫而秋霖兮后土何時而得乾

同白兄賦餅中玉簪

即文舉見一卷

畏景衆芳歇仙葩此夷猶冰姿出新沐娟娟倚清秋昨夢今
見之風鬟玉搔頭誰言閨房秀高情渺林丘碧筵古銅壺一
室香四周懷人成獨詠遠思徒悠悠

碧筵

玉蕭徒丁切小簪也

野史亭雨夜感興

案野史亭已見上移居詩國史注

私錄關赴告求野或有取秋兔一寸毫盡力不易舉衰遲私

自惜憂畏當誰語展轉天未明幽窗響疎雨

哭延孫

兒生去年冬閭里日相慶今年追周晬疹痘俱已竟爛斑綴
錦衫未與玉雪稱宅相望此孫惜愛均氣命一宵誰奪去遽
有亡辜橫情鍾未難忘力挽將安勝憶昔點妝初季女抱臨
鏡灼灼芙蓉花澹與清波映霜風入芳渚瘦綠餘荷柄嬌紅
耿在眼百喚不一應寂寞空鏡前老眼淚如迸

疹痘

玉篇之忍切癰疹皮外小起也。方書痘胎毒也。有終身不出者神痘法凡痘汁結鼻呼吸即出

贈鶯

鄰牆擁高樹深樾蔭衡宇山禽十百種晨夕所棲處獨愛黃
栗畱姪姪如稚女笑啼啼又笑宛轉工媚嫵低窺疑欲下轉
盼忽驚舉花暗柳陰陰尚記兒時語詩家此尤物名字喧樂

府天真累絲竹容服仍楚楚宮額畫眉潤黛黑抹金縷恨不
掌上看毛羽得細數山城無與樂好鳥亦求侶時將貫珠來
有唱當和汝

宮額眉潤

後漢馬廖傳城中好廣眉四方且半
額。王安石詩漢宮嬌額半金黃

讀書山月夕二首

層崖多古木細路深莓苔柴門開曉日雲際青山來靜中有
真趣孤賞何悠哉

久旱雨亦好既雨晴亦佳胡牀對明月樹影含清華牆東有
洿池欹枕聽鳴蛙

既雨

少陵句

繼愚軒和党承旨雪詩四首

以下續編。中州集承旨党公傳
諱顯英字世傑秦符人公之在孕

也太夫人夢道士吳筠來託宿及公生儀觀秀偉如神仙少穎悟日授于
餘言師臺社劉崱老濟南辛幼安其同舍生也大定十年擢進士調成陽

軍事判汝陰令入爲翰林學士承旨致仕大安三年年七十八終于家是
夕有大星殞于堂諡曰文獻開誌墓云公文似歐公詩如陶謝雪中四
首詩人固多貧深居隱茅蓬一夕忽富貴獨臥瓊瑤宮夢破窗明虛開門
雪迷空蕭然視四壁遠與嵩也同開門捫鬚坐愈覺生理窮天公巧相幻
要我齊窮通衝寒起沽酒一洗芥蒂胸又翻翻雪中鴉飛鳴覓遺粟雪深
不可求遶屋啄寒玉願我如鴉多儲有餘肉我亦生理拙凍臥僵雪屋
日午飯無煙飢吟攢空腹豈不知屠沽肥甘隨取足幸待春雪消吾猶多
杞菊又歲晏苦風雪曠野寒蟬噪淅淅燒枯棘巨刺相擎撐濃煙久伊鬱
微焰方品炎津膏乳漲中有蜺蜺鳴蓬蒿撥快炬倏作飛灰輕餘暖未
及慙賸淚先已盈幸有鄰家酒時澆肌粟平又歲晏雪盈尺與夫倍欣然
不作祁寒怨應知有豐年笑我寄一室歸咄無寸田無田吾不憂飲啄當
問天我看多田翁粗賦常通惡低頭負呵責顏色慘可憐不如拾帶穗行
歌兩無辜。又思軒趙宜之詳後三卷其齊懷繼元第裕之韻四首云少
從白衫游氣與山岬岬一念墮文字腸腹期拄撐多機人所笑室暗燈不
熒拈書枕頭睡鼻息春雷鳴泰山與鴻毛何者爲重輕蹄却與勃解誰能
較虧盈如能平其心一切當自平又嵩箕有奇姿出雲何悠悠然雲山足佳
處匿客今幾年有子罷讀書求種山間田栗里愧淵明香山慙樂天二老
已古人相望雲泥懸得酒邀月來對影空自憐攝衣欲起雜稚子不須牽
。案党韻四首遺山繼愚軒韻亦四首而趙詩不云和党
反云繼裕之韻只後二首韻合前二首當脫載無從考矣

南來何所如孤根轉風蓬以彼萬里途寄此一畝宮明窗一
繩牀稍覺紛華空惟餘作詩癖尚與當年同人言詩窮人無

詩吾自窮此世等夢耳誰窮復誰通茹噎當快吐聊此寬吾胸

今古幾詩人擾擾劇毛栗吾愛陶與韋泠然扣冰玉大雅久不作聞韶信忘肉求音扣寂寞一嘆動鄰屋水風清鶴夢月露洗蟬腹白頭兩遺編吟唱心自足誰爲起九原寒泉薦秋菊

老麻臥雲壑澗松上崢嶸斯文要棟梁頽圯可力撐匠石殊未來破屋燈青熒乾坤有二鳥一息當一鳴區區用舍間而亦隨重輕百挽跡不前一怒怨已盈臨風三太息此意何時平

老麻

中州集麻知幾元裕之以山遊見招兼以詩四首爲寄因以山中之意仍其韻云石華政可慕負我孤抱遂胡爲嶺巖擾擾槐安宵山間綠蘿月一照千巖

空洪崖去不返清時誰與同空餘松泉泉雖佩流無窮人心墮泥濘不如與天通舉頭視霄漢浩漭沈心胸交日月兩角割天地一粒粟老益可徑醉宜擇瓦與玉大笑區中

人朱門可梁肉清曉登少室日夕眺王屋紫煙啼香髮碧霞貯我腹溪中有白雲萬事
付滯足物物懷幽情不獨蘭與菊又南風入桂樹商葉碧崢嶸舉手戲攀折上與雲煙
撐黃金間白玉通地光晶然簫簫坐間發鸞鶴空中鳴浩歌山谷應起舞衣裳輕一會
石上酒如我浩氣盈目送飛鴻盡青雲萬里平又國風久已熄如火不再然流為玉壘
詠鉛粉橋華年政須洗妖冶入駿踏芝田青苔明月露碧樹涼風天塵土
一一盡累絳昭昭懸寂寥抱玉辨爭競搖尾憐幸有元公子不爲常語牽

愚軒具詩眼論文貴天然頗怪今時人雕鐫窮歲年君看陶
集中飲酒與歸田此翁豈作詩真寫胸中天天然對雕飾真
質殊相懸乃知時世妝粉綠徒爭憐枯淡足自樂勿爲虛名
牽

寄英禪師師時住龍門寶應寺

見上c詳
後詩序注

我本寶應僧一念墮儒冠多生經行地樹老井未智一窮縛
兩脚寸步百里難空餘中夜夢浩蕩青林端故人今何如念
子獨輕安孤雲望不及冥鴻杳難攀前時得君詩失喜忘朝
餐想君亦念我登樓望青山山中多詩人杖屨時往還但苦

詩作崇况味同酸寒清涼詩最圓

相和尚住清涼

往往似方干半年臥

牀席瘡我疥亦頑

本草松枝條松脂塗疥頑者三兩度

濟甫詩最苦

僧源字濟甫宋州人

寸晷不

識閑傾身營一飽船上八節灘安行詩最工

巢客安行山陽人臨瀛簿

六馬

鳴和驚鬱鬱飢寒憂慘慘日在顏老秦詩最和

秦略字簡夫陵川人

平易

出深艱脫身豺虎叢白髮罹惛鰥張侯詩最豪

前登封令張效字景賢雲中人

驚

風卷狂瀾竅繁天和洩外腴中已乾城中崔夫子

崔遵字懷祖燕人

老

筆鬱盤盤家無儋石儲氣壓風騷壇我詩有凡骨欲換無金

丹呻吟二十年似欲見一斑大笑揶揄生已復不相寬愛君

梅花篇入手如彈丸愛君山堂句深靜如幽蘭詩僧第一代

無媿百年閒思君復思君恨不生羽翰何時溪上石清坐兩

蒲團

方干

王贊詩集序云干詩當其得志倏與神會詞若示至意已寓往

疥頑

證類本草引鬼遺方治疥癬松膠香研細酌少入少輕粉滾合勻凡疥癬上

先用油塗了末一日
便乾頑者三兩度
八節灘
黃庭堅詩近來詩思何所似八節灘頭上水船
老秦
本集三十一卷通

以詩為專門之學殊有古意苦于瑣斷而無跡可尋文上極細道之
崔夫子
歸舊志崔遵字懷祖少有詞賦名居崧山以讀書作詩為事詳九卷詩注
金

丹
黃庭堅詩夜來一笑寒燈下始是金丹換骨時

夢歸

虛庭霜夜寒落葉風自掃
恍如南窗月坐失西山道
長安佳麗地游子自枯槁
人生家居樂學稼苦不蚤
衡門眼中見歸意滿秋草
夜長夢已盡愁絕令人老

郎文炳心遠齋二首

李俊民鶴鳴集心遠齋詩稿笑濫巾北岳那能補衲中條自有胸中丘壑不妨隱向市朝

茅齋迫官居塵土日蓬勃
道人掩關坐挂眼無外物
明窗一蒲團濯足晨理髮
一片萬古心清潭兩明月

止性如止水惜身如惜玉
婦姑得相安久矣脫羈束
兒童挾書至鐙花催夜讀
自是周太常生平耐幽獨

止水

莊子人莫能于流水而鑑于止水惟止能止衆止

周太常

後漢周澤傳澤爲太常清潔循行修敬宗廟常臥病齋官其妻長其老病幾間

所苦澤以其干犯齋禁收送詔獄

蕭寺僧歸橫軸

山空秋草寒露暗光已夕悠悠松門月靜照禪客入遙知夜堂深疏鐘動幽寂

露暗

淵明句

祁陽劉器之以墨竹得名今年春薄游鹿泉因爲余寫真重以小景見餉凡以求子詩而已賦二十韻

答之

去國二十年跬步卽異境中間歷齊晉陡下如墮井轍涸困波神祠廢臥土梗垂翅附危柯饑腹得畫餅卑樗竝牛驥泥淖閬蛙黷紛紛疲應接碌碌陪造請尚賴麴生賢真味畱雋

永蹉跎鐘鼎意盡副銅尾秉劉生工寫照游戲出俄頃高懸
大圓鏡寓我神形影青衿昨日爾素髮忽垂領詩餘飯山瘦
智縮武庫瘿霄漢邈南宮寂寂媿耿鄧包虎錦衾爛薛鶴霜
毛整鼠目與麤頭何堪汚毛穎厚貺久未報重以大年景藜
篠點棲禽樹石帶烟暝知君有深意勸我事幽屏衡茅方卜
築亦復謀一二頃封龍有佳招因之發深省

畫餅

宋史官志空有食采之稱區同畫餅之妄

牛驥

漢書鄒陽傳今使不拘之士與牛驥同皁

雋永

漢書順通傳通自序其說凡八十一首號

日雋

銅尾秉

劉機代州詩宣右詩碎走白驢來倒提銅尾秉

神形影

見淵明詩

武庫瘿

晉書杜預傳在丙七年朝野稱

美號曰武庫吳人知預病瘿憚其智計以狐係狗頸示之

大年

畫繼趙令穆字大年工小景汀湄水鳥有江湖意詳十二卷注

封龍

元史張德輝傳與元

裕之李治游封龍山時號龍山三老

答王輔之

我宅西山隅君居潁之濱昨朝與君晤憶我山中春君家縣

豪傑交結通周秦四海盧御史肯來作師賓風流被諸郎文
質猶彬彬乃知父兄意潤屋亦潤身喪亂幾何時孤身走踈
踈貂裘風霜老獨有佳句新被褐懷珠玉知君未全貧我詩
初不工研磨出艱辛雖欲尸祝之芻狗難重陳顧方媿盈川
況敢同照鄰汾流清復清堪君濯纓塵居人與行客早晚期
相親

芻狗

莊子芻狗未陳也盛以篋衍巾以文繡尸祝齋戒以將之及其已陳也行者毀其首春蘇者取而毀之而已

盈川照鄰

唐書楊炯傳爲

盈川令與王勃盧照鄰駱賓王齊名炯謂人曰吾媿在盧前耻居王後信然媿在盧前謙也

川文思如懸河注水酌之不竭既優于盧亦不減王耻居王後信然媿在盧前謙也

寄題沁州韓君錫耕讀軒

束帶見督郵甘以辭華軒嘯傲南窗下且樂我所然斜川今
在亡問津有遺編行尋柴桑里遂得桃花源桃源無漢魏況
復義熙前讀書與躬耕兀兀送殘年淵明不可作尚友乃爲

賢田家豈不苦歲功聊可觀讀詩有何味有味不得言遙知
一尊酒琴在已亡絃

元遺山詩集箋注卷二終

元遺山詩集箋注卷三

烏程

施國祁北研箋
蔣 炳枕山校

北言古詩

虞坂行

丙子夏五月將南渡河
道出虞坂有感而作

虞坂盤盤上青石石上車蹤溪一尺當時騏驥知奈何千古
英雄淚橫臆龍蟠於泥易所歎麟非其時聖爲泣元龜竟墮
余且網老鳳常飢竹花實天生神物如有意驗以乖逢知未
必若論美好是不祥正使不逢何足惜孫陽騏驥不竝世百
萬億中時有一乃知此物非不逢轅下一鳴人已識我行坂
路多閱馬敢謂羣空如冀北孫陽已矣誰汝知努力鹽車莫
稱屈

虞坂

國策甘泉驥駕鹽車上虞坂遷延負轅而不能進蓋其困處也○水經虞城北對長坂二十里謂之虞坂

余且

史記龜策傳宋元王使問余且曰今

昔汝漁何得余且日夜半時

孫陽

楚詞驥躡蹠于弊筐兮遇孫陽而得代王逸注孫陽伯樂姓名

畫馬爲邢將軍賦

大宛城下戰骨滿駑駘入漢龍種藏將軍此紙何處得便覺
房駟無光芒人中馬中兩勍敵天門雁門皆戰場并州父老
應相望早晚旌旗上太行

房駟

爾雅天駟房也國語月在天駟注房星也杜甫詩夜騎天駟超天河

秋蠶

室人篋中無寸縷一箔秋蠶課諸女朝來飼卻上馬桑隔簇
仍聞竹間雨阿容阿璋墨滿面畫徹灰城前致語上無蒼蠅
下無鼠作蠶直須如夔許東家追胥守機杼有桑有稅吾猶
汝官家恰少一絢絲未到打門先自舉

蠶箔

韓愈詩春蠶已滿箔

秋蠶

易林秋蠶不成冬穀不生。齊民要術注今世有秋母蠶秋中穀老秋兒蠶秋末老蠶見蠶等

上馬桑

初白云不詳出處

阿容阿璋

政長女次女名耶

上無

王建

蘭麝

蘇軾詩宜蠶使汝置如發

約絲

黃庭堅詩貧家

能得幾

約絲

南溪

南溪酒熟清而醇北溪梅花發興新前年去年花下醉今年
冷落花應嗔梅花娟娟如靜女寂寞甘與荒山鄰詩人愛花
山亦好幽林穹谷生陽春風鬟鬢一尺雲芳香幽臥如相
親山堂夜半北風惡一點相思愁殺人

幽林穹谷

西都賦其陽則崇山隱天幽林穹谷

送郝講師住崇福宮

郝平晉人

大方之家幾知津郝君七十老斲輪書文五車喙三尺劇談
混沌今猶神太元博士為絕倒君言夸矣天公嗔長安冠蓋

羅青雲洛陽車馬爭紅塵怪君掉頭不肯住寂寞來作由東
鄰崧高維岳古所秩三十六帝有外臣元都石壇待飢馭宮
殿窅兀松輪囷上界僊人鄧雲山洞天治所名司眞蓬萊方
丈去不遠明星玉女時相親瑤華可擷蘭可紉煙霞永隔塵
中人黃鵠一去不復返白鷗萬里誰能馴爲我殷勤謝鄧君
玉華歲晚當平分

大方

莊子我長見笑于大方之家

斲輪

又斲篇曰臣不能以喻臣之

五車

又惠子多方其書五車

三尺

又仲尼曰我願有索三尺

掉頭

杜甫詩巢父掉頭不肯住

由東鄰

唐書田游巖傳入箕山就許由廟東築室而居自稱許由東鄰

○案初自評改由爲出非也

三十六帝

李白詩序余三十六帝之外臣

元都壇

杜甫有元都壇歌

鄧雲山

本集三十

一卷藏樂府表君獨行山開遇異人自稱衡岳主者蕭正之謂先生三世學道乃今有成吾于蓬山仙法院見吾子名氏卻後當爲孝廉貞淨仙人代鄧雲夏爲少室伯主司眞洞天言

明星玉女

李白詩明星玉女備酒壚麻姑搔背指爪輕

黃鵠

太白句

白鷗

少陵句

范寬秦川圖

張伯玉歿後同麻徵君知幾賦○聖朝名畫評范寬名中正字仲立華原人性溫厚有大度故時目爲范寬眉山林

間常危坐終日縱目四顧以求其趣雖雪月之祭必徘徊吟覽以發思慮
學李成筆雖得精妙尚出其下遂對景造意不取繁飾寫山真骨自爲一
家故其剛古之氣不犯前輩由是與李成並行○宜和畫諸范寬華原人
畫山水初師李成既乃嘆曰與其師人不若師諸造化乃脫舊習辦秦中
遍觀奇勝落筆雄偉老硬真得山水之骨法宋畫家山水超絕唐世者李
成董元范寬三人而已嘗評之董得山之神氣李得體貌范得骨法故三
家照映古今寬尤長于雪山見之
使人凜凜御府所藏五十有八

亂山如馬爭欲前
細路起伏蛇蜿蜒
秦川之圖范寬筆來從
米家書畫船變化開闔天機全
濃澹覆露清而妍雲興霞蔚
幾千里著我如在峩嵒巔
西山盤盤天與連九點盡得齊州
煙浮雲未清白日晚矯首四顧心茫然
全秦天地一大物雷雨瀕洞龍頭軒
因山分勢合水力眼底廓廓無齊燕
我知寬也不辦此渠寧有筆如修椽
紫髯落落西溪君長劍倚天冠切雲
望之見之不可親元龍未除湖海氣
李白豈是蓬蒿人愛君恨不識君早
乃今得子胸中秦作詩一笑君應聞

子七年
前過鄆

城伯玉知子來而都無賓主意子亦偃蹇而去爾後雖願交而髣髴矣未嘗不以爲恨也今日子思兄弟出此圖求子賦詩酒惡無聊中勉爲賦此畫本水元章家物有韓子蒼題名元章以爲中立元暉以爲中正以子觀之此特張昇胸中物耳知者當不以吾言爲過云

秦川

長安志三秦記云長安正南秦嶺根水流爲秦川一名樊川杜甫詩秦川對酒平如掌王維詩秦川一竿夕陽關

書畫船

黃庭堅詩

定是米家

書畫船

雲興霞蔚

晉書顧愷之傳人問會稽山水之狀愷之曰千巖競秀萬壑爭流草木蒙籠若雲興霞蔚

九點煙

李賀

詩送劉州九點煙

傾洞

許慎詩淮南子傾讀如項羽之項洞讀如同游之同

西溪君

指伯玉

冠切雲

楚詞

帶長鉞之陸離兮冠切雲之崔嵬

王逸注當時高冠之名蓬蒿高李白詩我輩宜是蓬蒿人

作詩

初白云坡句

赤壁圖

懷白世士老氣蓋九州平生忠義心雲濤一扁舟雷聲何處來喚月下船頭掬此月中水最弄人間秋蕩搖波中山口日口口古今一俯仰共盡隨蜃蜃曹何足弔我自造仙游尚憐風月如卿與耳日謀歸來

王堂夢清影寒悠悠一顧能幾何吳興不重還象不忍挂尚恐兒輩蓋儼然袖斐子妙賦疑可求何馬詩仙人騎鶴下瀟湘相期游入表一洗區

中愁○中州集李致遠題元直赤壁詩鼎足身來漢祚移阿瞞曾開火船歸一時豪傑成何事千里江山落脚雲波小艇分樹暗夜深孤鶴

掠舟飛夢尋仙老經行處只有當年舊釣磯○何公詩昔飲南亦堂同先生矯矯人中龍京華千丈不可容五年一夢落江海翩然野鶴開囚籠雪

堂閉戶讀書史興來飄然弄雲水黃泥坂下醉三更赤壁磯頭航一羣明月滿風光一江過江之氣無由除酒酣作歌記清賞袖有巨筆如長虹一

月滿風光一江過江之氣無由除酒酣作歌記清賞袖有巨筆如長虹一

朝騎鯨尋李白人間俯仰成今昔續
弦無處覓鸞膠見雲思公空歎息

馬蹄一蹴荆門空鼓聲怒與江流東曹瞞老去不解事悞認
孫郎作阿琮孫郎矯矯人中龍顧盼叱咤生雲風疾雷破山
出大火旗幟北捲天爲紅至今圖畫見赤壁髣髴燒虜畱餘
蹤令人長憶眉山公載酒夜俯馮夷宮事殊興極憂思集天
澹雲閑今古同得意江山在眼中凡今誰是出羣雄可憐當
日周公瑾憔悴黃州一禿翁

荆門

郭璞江賦荆門對練而盤礴水經注荆門在南上合下開開達
山南有門像是之西塞也雲守記荆門本漢舊地制襄之要津

阿琮

案琮劉
表子以

荆州降曹操

莊子疾雷破山風
者見後漢書疾雷

馮夷

楚詞使湘靈鼓瑟
兮令海若舞馮夷

事殊

少陵
句

凡今

又句

寄答溪南詩老辛愿敬之

中州集辛愿傳字敬之福昌人其大父
自鳳翔來居縣西南女几山下以力田

爲業敬之自號女几野人年二十五始知讀書取白氏諷諫集自試一日
便能背誦乃聚書環堵中讀之晉至伊訓詩至河廣頗若有所省欲罷不

能因更致力焉。青義有不通者，搜訪百至，必通而後已。有一事闕十年者，由是博極羣書於三傳，爲尤精。至于內典，亦稱該洽。杜詩韓筆，未常一日去其手。作文有綱目，不亂詩律，深嚴而有自得之趣。性野逸，不脩威儀，貴人延客，敬之麻衣草履，足跡赤露，坦然於其間。劇談豪飲，旁若無人。高獻臣爲河南治中，聞其名，引爲上客。及獻臣爲府尹，所誣敬之亦被誣，掠幾預一網之禍。自是以敬之名爲諱，絕不與交。不三二年，日事大，狼狽困五六十年，歲歲不足一牛，屢爲追胥所奪，竟賁之以爲食。衆雖噉噉，張口待哺，極貧而氣不能從俗俯仰，迫以飢凍，又不得不與世接。其枯槁憔悴，流離顛踣，往往見之手。詩元光初，予與李欽叔在孟津，敬之目及几來，爲之斷數日其行也，欽叔爲設饌，極豐腆。敬之放箸而歎曰：「平生飽食有數，每見吾二弟，必得美食，明日道路中又當與老飢相抗矣。」會有一日，辛老子僊仆柳景樟城之閒，以天地爲棺槨，日月爲含，遂爲狸亦可棲蟻，亦可耳。予二人爲之惻然，敬之佳句極多，如自憐心似魯連子，人道面如黃管公，萬頃直須種好，好百年端欲付休休院，靜裏團月窗虛細度雲浪翻魚出，浪花動鳥棲枝之類，恨不能悉記耳。○歸潛志：敬之河南人，幼嗜書，苦學坐環堵數年，由是六經百家無不通貫。嘗作詩五言，尤工人以爲得少陵句法，平生不爲科舉計，且未嘗至京師。素然中州一逸士也。爲人質古，不問世事。麻條草履，或前收讀書市中，人訝之，亦不卽嘗謂王龜飛伯曰：「王侯將相世所共貴者，人有以得之，亦不避得之，不以道與夫呂之不能行已之志，是欲強其身而伏于腐也。此言曲人難聞，子宜保之。此可見其志趣也。」貞祐初，先子主長葛簿，敬之素不識聞其名，來謁相得甚，適及別，厚贈之歸，而賁牛使其子躬耕，以自給。居女几山下，往來長水，永寧間，僅以吟詠講誦爲事。朝士大夫願交而不得也。正大中，先子合葉復來，適後歸洛下，病歿，有詩數千首，當在行囊中，其佳句有云：「鶯銜曉色」。

啼深樹燕掠春陰入短牆又波搖朗月浮金鏡嶺隔華星斷玉繩又箕山
潁水春風裏喚起巢由共一杯又黃綺暫來為漢友巢由終不是唐臣與
處士詩也○又五卷趙愚之送敬之東歸詩云風埃憔悴舊袍老去新
詩價轉高橡栗漫山猶可煮不須低首向兒曹文章無力命有在一點浩
然天地間風雲臨頭人
不謬又攜詩葉出西山

五年不喚溪南渡日夕心馳洛西路山中今日見君詩惆悵
良辰又相悞龍蛇大澤變風景虎豹天門鬱煙霧丈夫不合
把鉏犁青鬢無情忽衰素平泉漫作窮愁志笠澤休題自憐
賦長安正有五侯鯖骯髒誰能作樓護青燈老屋深蓬蒿蠅
蝠掠面莎雞號劒歌夜半激悲壯松風萬壑翻雲濤區區墓
上曹征西我知慚媿王東皋人生只有一杯酒螟蛉蜾蠃安

能豪

龍蛇

左傳深山大澤定生龍蛇

虎豹

招魂魂兮歸來君無上天些虎豹九關啄害下人些

平泉

劇談錄李德裕東都平泉莊卉木臺榭若造仙

府案德裕著書有窮愁志

自憐賦

陸龜蒙著見笠澤叢書

五侯鯖

西京雜記五侯不相能賓客不得來往裴護傳食五侯間各得其歡

心競致奇膳護乃台
以為鯖人稱五侯鯖

曹征西

魏武故事帝令曰我去官之後求底下之地欲以泥水自蔽絕賓客往來之望然不得如意復徵為都尉

遷典軍校尉意遂更欲為國家討賊立功欲望封侯作征西將軍然後題墓道言漢故征西將軍曹侯之墓此其志也

東泉

唐書隱逸傳王績游北山東泉著書

自號東泉子

西園

興定庚辰八月中作○本集六卷探花詞不見西園風露秋十卷汴梁除夜數日西園看車馬十二卷扇頭詩扇頭喚起西園夢十四卷石裕卿惆悵西園是舊游此在汴京者若四卷紀子正杏園亦云

西園九卷杏花詩西園紅艷眼中新則在冠氏與此不同

西園老樹搖清秋
畫船載酒芳華遊
登山臨水祛煩憂
物色無端生暮愁
百年此地旃車發
易水迢迢雁行沒
梁門回望繡成堆
滿面黃沙哭燕月
熒熒一炬殊可憐
膏血再變為灰煙
富貴已經春夢後
典刑猶見靖康前
當時三山初奏功
三山宮闕雲錦重
壁月瓊枝春色裏
畫欄桂樹雨聲中
秋山秋水今猶昔
漠漠荒煙送斜日
銅人攜出露槃來
人生無情淚沾臆
麗川亭上看年芳
更為清歌盡此觴
千古是非同一笑

不須作賦擬阿房

春夢

侯鯖錄東坡在昌化負大瓢行歌田野間續婦年
七十日內輪背日富貴一場春夢因呼爲春夢婆壁月
南史陳張貴妃傳璧月夜夜滿瓊樹朝朝

新

畫欄

李賀歌盡闌
桂樹懸秋香

銅人

又金銅仙人辭漢歌序魏明帝青龍元年八月詔宮官
牽車西取漢季武捧露盤仙人欲立置前殿官官既折

仙人臨載乃潸然淚下唐

諸王孫李長吉遂作歌

愚軒爲趙宜之賦

中州集趙元傳字宜之定襄人經章出身舉進士
不中以年及調鞏西簿未幾失明自少日博通書

傳作詩有規矩泰和以後有詩名河東李屏山爲賦愚軒有落筆突兀無
貴初之句愚軒宜之自號也用是名益重南渡以後往來洛西山中閑閑
公雷御史王子文許至出崔懷祖皆愛之所至必虛左以待爲人有材幹
處事詳雅既病廢無所營爲萬慮一歸于詩故詩益工若其五言平淡處
他人未易造也宜之之父名淑字清臣由門資叙與先隴城爲莫逆交故
好問交游間得宜之之詩爲多子某有隱節今居鄉里○歸潛志趙宜祿
宜之忻州人高才能詩其所讀書皆自少時不忘居西山下止以吟詠爲
樂名士無不與遊趙李諸公甚重之屏山嘗賦愚軒云我雖有眼不如無
安得恰似愚軒愚後病歿有愚軒集○中州李純甫趙宜之愚軒詩又辛
敬之贈趙宜之二首河汾詩張彥升送趙宜之歸新安兼簡洛下諸友詩

心生心化誰搏控舉世俚俚皆大夢百年只辦作朝三爭識

羣狙先汝弄人人具此清淨眼妄翳無根嗟自種天機嗜欲

涇渭雜道念紛華鄒魯聞令人卻澹愚軒愚一蹴藩籬開廓
空愚軒虛室久生白掌上精真元自洞氣從神火俱長物豈
有古方傳魯宋人言此眼本無負死恨冥行人所共智愚何
預阿堵中或者桔槔賢抱甕病瘖能指跛能履眉睫雖存寧
復動我云俗士蔽一曲全笑不全從古衆渠儂六鑿日相攘
內不錙銖徒外重守宮綠壁夸覆射懸蝨如輪規命中天和
一洩不知止膏火自焚良可痛從教目比方相多纔與瞽師
論伯仲先生真是有道者老境一愚聊自送五官止廢而神
行就令有眼將無用寄謝諸方五味禪葛藤莫作金鉤頌

搏控

鵬賦忽然爲人兮何足
控搏注愛生之意也

清淨眼

楞嚴經亦令十方一切衆生獲
妙微密性淨明心得清淨眼

妄翳

詩天公戲人亦薄相
故遣幻翳生明珠

天機

莊子其嗜慾深
者其天機淺

紛華

史記禮書子夏門人之高第也猶
云出見紛華盛麗而說入聞夫子

之道而樂二者心誠未能
自決而况中庸以下乎

虛室

莊子虛室生
白吉祥止止

六鑿

又室無虛空則婦姑勃谿
心無天游則六鑿相攘

守

宮

見東方朔傳

懸盃

列子紀昌學射于飛衛飛衛曰學視而後可昌乃以瓦懸虱于牆南面望之三年之後如車輪焉

天和

莊子正汝形一汝視

天和將至

五味禪

廣語有僧辭歸宗云往諸方學五味禪歸宗云我者裏有一味禪為甚不學

雙峰競秀圖為參政楊侍郎賦

中州集楊戶部字叔玉代州五臺人永安五年進士歷州縣入

為尚書省舍史拜監察御史侍御史京西大司農丞京南司農卿戶部侍郎權尚書自入戶曹即有相望資難重事無巨細處之皆有法至于知朝廷大體則又非他人所及也京城受兵權參知政事明年卒于河平叔玉交工于詩而人不以能文稱特未見其文耳。歸潛志王特起正之有題楊叔玉所藏圖云龍頭蠶雙角駝背堆寒峰諸公嘉其破的亦是

江煙霏霏雲拂石山木蕭蕭山鬼泣江岸人家失南北兩峰

窅兀何許來元氣淋漓洗秋碧畫家晴景費經營共愛移山

入杳冥安得北風吹雨去倚天長劒看崢嶸

元氣

杜甫詩元氣淋漓障滄溟

西窗

西窗鳥聲千種好樹影離離動微風青山滿前掩書坐欲話

懷抱無人同花枝不笑綠鬢改尊酒自與黃金空少年樂事
總消歇落日澹澹天無窮

二月十五日 鶴

續夷堅志忻州西城半在九龍岡之上置宣聖廟鐵佛
寺天慶觀為州之鎮天慶觀老君殿尊像極高大唐七

帝列侍父老云是神人所塑晉天福二年重修每歲二月十五日道家號
貞元節是日有鶴來會多至數十少亦不絕一二翔舞壇殿之上良久乃
去州人聚觀旁近城上州刺史約先見鶴者有賞因遠黃冠及遊客來
者三日不絕貞祐岳辭殿廢鶴遂不至。又見三十五卷天慶觀記

九龍崗上玄元祠人言尊像神所遺年年二月降靈鶴來無
定數有定期城頭曉露生新警萬首望穿雲際影不知濁世
誰下臨只許霜毛見修整石壇花落松風冷憂然長鳴人語
定百年鰲老誇見聞萬里黃冠赴靈應只從游騎突重圍城
郭併與人民非可憐陟殿荒墟裏無復當年丁令威

露警

風土記鶴性警至八月白露
降滴滴有聲即高鳴相警
玉簪徒可切
落也懷也

聞欽叔在華下

新樂府有欽叔遊兵華山絕
頂以詩見招因賦念奴嬌詩

翰林僊人詩酒豪平生嵇阮參遊遨山中草棘滿霜雪可惜
渠家官錦袍聞君忍飢讀離騷思之不見心爲勞舉頭西望
忽大笑太華落落長庚高

宮錦袍

唐費李白傳嘗乘舟與崔宗之自采石至金陵著宮錦袍坐舟中旁若無人

閩商卿還山中

阿卿去月從我來今日西山成獨往野人不是城中物澗飲
巖棲夢餘想翰林涇薪爆竹聲待詔履穿沾雪行蘭臺從事
更閑冷文書如山白髮生孤燈靜照寒窗宿北風夜半歌黃
鵠田家閉門風雪深梅花開時酒應熟半世虛名不療貧棲
遲零落百酸辛憑君莫向山中說白石清泉笑殺人

翰林

初白云山谷句

歌黃鵠

魯陶嬰事見列女傳

女几山避兵送李長源歸關中

中州集李譚議汾傳字長源平晉人系出雁門驍達不羈好以

奇節自許避亂入關京兆尹子容愛其才招致門下留二年去之涇州謁
張公信甫一見即以上客禮之自是游道日廣然關中無一人敢與相軒
輊者元光末用薦書得從事史館舊例史院有監修宰相爲之同修翰長
至直學士兼之編修官專纂述之事若從事則職名謂之書寫特抄書小
史耳凡編修官得日錄分受之纂述既定以稟授從事從事錄本呈翰
長平居無事則翰長及從事或列坐飲酒賦詩一預史事則有官長探屬
之別長源素高亢不肯一世乃今以斗食故人以府史蓄之殊不自聊高
張諸人率以新進入館史家凡例或未能盡知就其所長且未滿長源一
笑故刊修之際長源在旁則蓄縮慘沮提筆不能下長源正襟危坐讀太
史公左丘明一篇或數百言音吐洪暢旁若無人既畢顧四坐漫爲一語
云看秉筆諸人積不平而雷李尤所切齒乃以煨罵官長訟于有司然時
論亦有不直雷李者故證左相半踰年不能決右丞師公以傷風化爲嫌
道東曹掾置酒和解之不得已乃罷擊入關明年驅數馬來京師目以馬
價佐歡道逢忽家則蠶地大數而去又明年恒山公仙在鄧之西山長源
往說之署行尚書省講議官既而恒山與參知政事思烈相異同頗謀自
安僊長源言論欲去之道之泌陽竟爲所害長源幸友廉介過人者甚多
寧寒餓而死終不作與乞驛向人人亦以此愛之平生以詩爲專門之學
其所得爲尤多如洛陽才子懷三策長樂鐘聲又一年清鏡功名兩行淚
浮雲親舊一囊錢彈淚蒼蒼近津波旋旋歷歷河陽城長河不洗中原恨
趙括元非上將才三輔傾軋失歸燕上林花木怨啼鴉餘一掬傷時淚
暗墮昭陵石馬前同輩作七言詩者皆不及也幸卯秋遇于襄城孟西園
誦關中往來詩十數首道其流離世故妻子凋喪道遠萬里奔走狼狽并
意雖亂意意若而耿耿自信者故在鬱鬱不平者不能掩清壯磊落並井
豪俠歌謠慷慨之氣此詩兵火中散亡今就其少作予所能記憶者錄之

○歸潛志李汾長源先名讓字敬之太原人少游秦中喜讀史書覽古今成敗治亂慨然有功名心工于詩專學唐人其妙處不啻太白畫題爲人尚氣跌宕不羈頗褻躁觸之輒怒以是多爲人所惡嘗以書謁行臺胙州國鼎胙未之禮也長源後投以書盡發胙過惡胙大怒然以其士人容之元光間游梁舉進士不中能詩聲一日動京師諸公時爲史院書寫特趙開閣爲翰林雷希顏李欽叔皆在院長源不少下之諸公怒將逐去亦不屑後以病日免歸復入南京上書言時事不報出客唐鄧會北兵入境恒山公武仙署爲掌書記在軍中金國亡長源勸武仙歸宋求幾爲仙麾下所殺年未四十哀哉平生詩甚多不自收集故往往散落下第絕句云學劍攻書事兩違回頭三十四年非東顧萬里衛門下依舊中原一布衣又記時事云捕得酒泉生口說衆酋虜面哭單于望少室云圭影靜涵秋氣老劍鋒橫倚斗杓寒夏夜云鴉銜暝色坡林急螢曳餘光入草深鶴雀樓云白鳥去邊紅樹小斷雲橫處碧山多樂府歌行尤雄峭可壽○河汾詩陳賡子楊送季長源詩月下孤鴻枕上鷄高城今日又分攜九秋雲氣散陵底萬里河聲砥柱西飲罷關山秋寂寂詩成風雨暮悽悽千金善保并州器要放崑崙入馬蹄案此詩亦似送歸關中作

山骨稜稜雪花白北風不貸單衣客與君此別欲何言若箇男兒不湮阨相濡相吮尚可活轢釜何曾厭求索從知鮫鱷無隱鱗芥視三山需一擘自古飢腸出奇策漢廷諸公必動色見君軒蓋長安陌

湮阨

後漢寇榮傳注言居不獲安行無所適窮困湮阨無所委仰者

濡响

莊子泉涸魚相處于陸相响以涸相濡以沫不如相忘于江湖 輟釜

漢書楚元王傳三殺厥叔與客來陽爲羹醢輟釜

雪後招鄰舍王贊子襄飲

秋澗集蔡子襄先生詩先生隱德居崧丘得得牆東四十秋結驪退慚知道在

詩壇吟苦入冥搜眼中者宿有今日地下重元是舊游幾卷閑書總惟底未容拈讀淚先流○又碑陰先友記王贊字子襄登封人性直諒生平游元劉間好詩學○本集二卷移居詩王生舊鄰舍卽此

去年春旱百日強小麥半熟雨作霜青山無情不畱客單衣
北風官路長遺山山人伎倆拙食貧口衆畱他鄉五車載書
不堪煮兩都覓官自取忙無端學術與時背如瞽失相徒俛
俛今年得田昆水陽積年勞苦似欲償鄰牆有竹山更好下
田宜秣稻亦良已開長塿掩烏芋稍學老圃分紅薑宋公能
詩雅好客勸我移家來水旁一閑入手豈易得夢中我馬猶
元黃君不見并州少年作軒昂鷄鳴起舞望入荒夜如何其

夜未央賣刀買犢未厭早腰金騎鶴非所望河南冬來已三

白土膏墳起如蜂房崧山東頭玉旆出父老知是豐年祥南

溪酒熟梅花香高聲為喚牆東王便當過我取一醉聽歌長

安金鳳凰鄭舍宋可字子之臨君子也并州少年謂李汾長源長安金鳳凰者齊梁間田舍兒所歌

俚俚禮記洛國而無禮賢者鳥芋案鳥芋云芋頭耳或據本草以為蕒非也紅薑則居賦菜

芋青筍紫薑○釋貫雞舞見劉買犢漢書漢遂傳民有帶持刀買犢騎鶴太平廣記

休詩乞食得紅薑一願為揚州刺史一願多寶財一願騎鶴朝野僉載北人諺曰要宜夢見三白

上昇其一人曰腰纏十萬貫騎鶴上揚州三白韓詩詩管間老翁語一服見三白

土膏京賦農祥晨正土膏脈起京賦農祥晨正土膏脈起

半山亭招仲梁飲河汾詩麻革信之置酒半山亭得秋字詩懷抱久不為兀坐如繫囚永懷西山勝浩蕩成茲游巖壑

互窈窕叢蘿鬱深幽飛煙入虛無長風跨崑崙楚甸散林莽商顏亦綢繆

雷雨天地空景氣入夜浮况當節律變萬物馳以秋雲來白日慘天澹清

江流西望渺關河沈沈生暮愁蘭若暗幽谷菱荷老芳洲一喚舉酒觴浩

字仲梁先稱善夫濟南長清人金正大中嘗僭麻革張澄愚內鄉山中以詩倡和名聲相埒元至元間屢徵不起子元素仕元任福建閩海道廉訪使仁傑以子貴贈翰林承旨資善大夫諡文穆仲梁性善諱才宏學博氣銳而筆健業專而心精平生與李獻能其禹錫最爲友善○河汾詩麻革寄詩云塞上愁多雲易陰故人雖在雁無音交情念子黃金重世故稽人白髮深芳草春風千里夢青燈夜雨兩鄉心倚窗入眼東南秀悵望雲山淚滿襟又見五卷出山注

孤城鬱鬱山四周外人乍到如纍囚半山亭前浙江水只可與君消百憂江山百年有此客雲樹六月生涼秋世上紅塵爭白日一丘一壑去來休

浙江

初自云浙當作浙案內鄉明有浙川且道山未會至浙江非也

鄧州城樓

地志南京路鄧州穰城縣有湍水

鄧州城下湍水流鄧州城隅多古丘隆中布衣不復見浮雲西北空悠悠長鯨駕空海波立老鶴叫月蒼煙愁自古江山感游子今人誰解賦登樓

宛丘歎

秦陽陂頭人迹絕荻花茫茫白於雪當年萬家河朔來盡出
牛頭入租帖蒼髯長官錯料事下考大笑陽城拙至今三老
背腫青死爲逋懸出膏血君不見劉君宰葉海內稱飢摩寒
拊哀孤惇碑前千人萬人泣父老夢見如平生冰霜紈綉渠
有策如我碌碌當何成荒田滿眼人得耕詔書已復三年征
早晚林間見鷄犬一犁春雨麥青青

髯李令南陽配流民以牛頭租迫而逃者餘萬家劉雲卿御史宰葉

除逃戶稅三萬斛百姓爲之立碑頌德賢不肯用心相遠如此李之後十年子爲此縣大爲通懸所困辛卯七月農司檄子按秦陽陂田感而賦詩李與劉皆家宛丘故以宛丘嘆命篇

劉君

益水集故葉令劉君遺愛碑吾友翰林修撰王君從之言君子有惠政而無異政史傳循吏而不傳能吏吾嘗誦之云爾如吾葉令劉君既有惠政又有才幹

稱可謂全乎君諱從益字雲卿蔚之渾源人南山翁之胄也第進士仕監察御史能知無不言與當塗者辨曲直以罷去天子憐其才起爲葉令下車修學校繕轡抑惡一之曰勵而教之二之曰惠而安之茲吏惡少望風革面君曰未也事有大於此者葉劇邑也路當要衝餘八七萬餘石自擾攘之後戶減三之一不毛者千七百頃兩賦仍舊可乎請于大司農減二萬石賴以濟流民自歸者數千未幾被詔百姓詣郡請留不果授應奉翰林文字謫月以病卒道民聞之以端午罷酒樂設爲位而哭越明年使李道

人來乞銘嗚乎非君之才之美之惠曷能使民既去而挽留既沒而不忘繼之以泣也哉乃爲詞以招之命曰悼騷以慰父老之思其詞曰皇天賦子若人兮鍾南山之粹靈紛吾既有此淑質兮又重之以修能擯六藝之英華兮襲八桂之芳馨裴子冠之多如兮胡獨罹此謫也飛子鳥之鳬如兮胡遽去此邑也蘭秀而摧兮玉貞而折也猜才之富兮何壽之嗇也噫嘻將騎箕尾上比列星乎抑乘白鶴下顧遺民乎將爲景星鳳皇以瑞斯世乎抑爲祥風甘雨以濟斯人乎惟此葉邑君之祠鄉魂兮歸來無去故鄉復銘其墓曰維南山翁之曾孫以剛直聞百未一試稿死空墳二子耶既秀而文將大其家耶噫。案此碑立于正大四年八月開闢撰并行書。別詳一卷注

游黃華山

劉祁遊林慮西山記癸卯之冬十月祁自蘇門徙居相臺明年秋八月王孝魏公自燕趙適東平遂登太山拜謁里將北歸過

相臺會公謂祁曰吾聞太行之秀曰黃華曰棋谷爾其從我一遊乎祁曰諾初出安陽郭西四十里渡洹水俗號安陽河夕宿輔巖邑宿翌日同邑中士人尊酒坐池上有池數泉潄沸如玻璃盆湧出萬珠聊陰映潄頗蕭灑南謁宋碑談議墳魏公琦父也墳皆老柏參天碑有樓文則富鄭公弼撰王岐公珪書皆完具旁有浮屠號孝烈院石碑魏公所建院規製宏敞柱皆文石佛像如新茶坐西察彷彿竟日遊明西上路皆坡陀岡阜間以樹林行幾四十里過馬店望林慮諸山皆巖尖若黃華若天平若棋谷齒立玉臺馬上談笑喜見顏色前涉橫水水舊有石橋甚巧麗今圯壞紛然晡至林慮山橫峙天西如城壁相銜爭雄角銳巖巖蒼青而高下險夷不一玉峯曰昔人稱林慮名山信哉暮會邑中士大夫皆曰游當自黃華始且北而南可也明日遂出北城邑人張君佩玉偕往西北約二十里入附林林行一二里入谷兩崖夾徑徑竝東厓大石鱗差馬足行甚難下皆絕壁峭削樹木蒼鬱水聲潺湲使人耳目儼然前觀山勢峭拔奇偉不覺失聲歎異又一里餘厓絕地平曠竹如雲竹中堂殿茅亭數處乃黃華古禪

利也今爲老氏居道士數輩來迎解鞍坐覽樂甚殿之石柱刻宋人題名
及張相天覺賦高歡避暑詩詩云南北紛紛似奕棋高王霸業起偏裨情
知騎虎非安計豈是青山避暑來因憶王翰林子端遊黃華詩蓋此寺廢
已久王詩云王母祠東古佛堂人傳棟宇自隋唐年深寺廢無人住滿谷
西風栗葉黃飯餘屏騎乘杖屨以西涉小溪行約一二里山益奇巖巒聳
岫同互掄映下萬狀不可紀山端有小峯扶出如立指號仙人峯遇佳處
輒坐樹下石聽流泉玉漱鳥語傳入同視向來塵土中便如隔世又前數
武地平可耕屋腋有草庵且開籬種菜芋亦道士舍西上路漫高又二里
餘陟峻阪號公主關有屋號洗樓意其爲前代帝子游衍跡漢武帝女
弟封隆慮公主豈此邪坂皆巨石若爲壘碧摧裂無隙徑捫蘿以登又里
除路窮大巖合若環屏幃稍南孤峯削成拔地劃出號挂鏡臺臺西樹林
間望山脊玉虹蜿蜒下垂搖曳有聲追視之懸泉也相與喧呶因刻坐臺
趾方石縱觀蓋泉自石門而下初勢甚微已而散布半空特詭異其始來
也如飄風屑雪瀾漫一天少焉如驟雨落雲淋漓萬壑或如飛練千尺騰
擲不收又如珠簾百幅聯翩下墜乍散乍聚乍緩乍急乍去乍來乍鉅乍
細兼微滴瀝潑面灑肌浩蕩鏗鏘驚心動魄可以起壯志可以醒醉魂可
以洗塵紛可以平宿憤亦天下偉觀也下瀆爲潭澄泓湛碧水瑩鏡明向
之水聲皆其流派迨出山而湫不知其所往此又異也步至巖東北有大
龕如列屋可坐數十人尋繹昔年題名在龕壁玉峯健歎以爲東游未嘗
見此移時細懷趙武靈王登黃華之上與肥義謀胡服騎射教百姓以強
其國亦一時雄傑張君曰泉之上有路坦平直抵天平下望絕壁有石竅
曰青龍洞尾蓋門在天半也其中閭闔多水東北有高歡避暑宮殿址尚
存且有碑以路絕不能到又曰高歡葬此山石巖中鐵索紉其棺嘗有人
見之祁舊讀司馬氏通鑑云高歡薨虜葬漳水西潛鑿成安鼓山爲穴約

其極而塞之蓋距此不遠與所傳小異張又言此山佳處甚多惜不能徧
歷日斜由舊路而東壁而堂石像浮屠精緻行三四里路忽分張云由南
而往殊勝厓轉三潭巖出大石間相通號疊研首流泉所瀦細流布石上
縈紆明澈潭水口口黝碧云有蛟龍居共坐潭側嘯咏仰山俯泉極快極
南有古祠破裂號王母祠祠壁石刻云仙人王津葬母於此號仙人冢土
人祠以祈福祠前大木九今餘一焉趙瞭閣先祠來遊趙鎮侍行蓋宋宣
和間人也字畫亦不凡東有龍祠頗整完中石刻絕異南則地復曠闊
行荒榛蔓草中里餘復抵寺會會日已暮騎出山顧念勝游如在天上

黃華水簾天下絕我初聞之雪溪翁丹霞翠壁高歡宮銀河
下濯青芙蓉昨朝一游亦偶爾更覺摹寫難爲功是時氣節
已三月山水赤立無春容湍聲洶洶轉絕壑雪氣凜凜隨陰
風懸流千丈忽當眼芥蒂一洗平生胸雷公怒擊散飛雹日
腳倒射垂長虹驪珠百斛供一瀉海藏翻倒愁龍公輕明圓
轉不相礙變見融結誰爲雄歸來心魄爲動蕩曉夢月落春
山空手中僊人九節杖每恨勝景不得窮攜壺重來巖下宿
道人已約山櫻紅

雪溪翁

案舊溪黃華白號墓碑云刻雪溪堂帖一十卷張行簡有題子詩雪溪小隱詩趙秉文寄詩云寄語雪溪王處士並是詳五卷注

芥蒂

蘇軾詩恨無垂崖老一洗芥蒂胸

巨然松吟萬壑圖

聖朝名畫評釋巨然江寧人受業于本郡開元寺攻畫山水僞唐李煜歸命巨然隨至京師居于開

寶寺投謁在位遂有聲名畫州嵐曉景于學士院壁當時稱絕度支蔡員外挺家有巨然畫故事山水二軸古峰峭拔宛然骨立又于林麓間多爲卵石如松柏草竹交相掩映旁分小徑遠至幽墅於野逸之景甚備○宣和畫譜僧巨然圖御府所藏一百三十有六松吟萬壑圖三

胸中刺鯁無九澤畫裏風煙繞一漚阿師定有維摩手斷取

江山著筆頭石林蒼蒼崖寺古銀河浩浩松聲秋方外賞音

誰具眼莫將輕比李營丘

一漚

楞嚴經空生大覺中如海一漚發

營丘

宋史李賢傳李成字子瞻本京兆長安人唐末徙家青州性曠蕩嗜酒喜吟詩善琴口口山水尤工人多

傳秘其蹟。宣和畫譜李成所畫山林澤藪平遠險易縈帶曲折飛流危壑斷橋絕澗水石風雨晦明煙雲雪霧之狀一皆比其胸中而寫之筆下凡稱山水者必以成爲古今第一至不名而曰李營丘寫

密公寶章小集

中州集密國公琦字子瑜典陵之孫越王之長子百年以來宗室中第一流人也少日學詩於宋巨觀學書於

任君謨遂有出藍之譽文筆亦委曲能道所欲言朝臣自閑閑公楊禮部
雷御史而下皆推重之資雅重游於世味好賢樂善寒士有不能及者明
昌以來諸王法禁嚴諸公事皆不得與外間交通故公得窮日夕於著讀
通鑑至三十餘過是非成敗道之如目前越王薨後稍得出游文士輩亦
時至其門家所藏法書名畫與中秘等家至貧不能具酒肉設蔬飯與
之共食焚香煮茗盡出藏書商略之談大定明昌以來故事或終日不聽
客去風流鏡新有承平時王孫故態使人樂之而不厭也所居有榜軒又
有如庵自號榜軒老人其詩號如庵小菴園城中以疾薨時年六十一云
○又歸潛志密國公壽字仲寶世宗之孫越王允常之子也幼有俊才能
詩工書自號榜軒居士宣宗南渡防忌同宗親王皆有間禁公以閑府儀
同三司奉朝請家居止以詩誦吟咏為樂時潛與士大夫唱酬然不敢
彰露正大間予入南京因訪僧仁上人會公至相見欣然其舉止談笑真
一老儒殊無驕貴之態後因造其第一室蕭然寒書滿案諸子環侍無他
談可謂賢公子矣乃出其所藏書畫數十軸皆世間罕見者後予適陳送
以二詩甚佳又為予先子集作後序一時文士雷希顏元裕之李長源王
飛伯皆游其門飛伯嘗有詩云宣平坊裏翰林舊便是臨淄公子家寂寞
畫堂豪貴少時容詞客題題畫寶錄也天興初北兵犯河南公已臥疾
余候之因論及時事公曰政勢如此不能支止可以降全吾宗且本肅慎
如得完顏氏一族歸吾國中使女真不滅則善矣餘復何望爾後數月妻
五子幼曰守禧字慶之年少亦有俊才作詩與字畫亦可喜狀貌白皙風
神秀徹如仙人公特鍾愛常令子指其畫畫曰將以付斯人公薨後立之
變皇族皆聚于禁中將北還憂之病死年未三十公平生詩文甚多晚自
刊其詩三百首樂府一百首號知庵小菴趙閑閑序之行于世其佳句有
聞閑閑再起翰林云運過光中久廢公一朝起程處恩深四朝者皆大索

伯三紀聲名老翰林人道蛟龍得雲雨我知麋鹿強冠襟寶巖經谷西
夢不信秋來不上心又過胥相墓云亭亭華表立朱門始信征西宰相尊
下馬讀碑人不識夷山高處望中原甚有唐人遺意又絕句孟津休道濁
于涇若遇承平也敢清河朔幾時桑柘底只談王道不談兵不可謂無志
者也○本集九卷楊軒老思辰十三卷摘瓜圖十四卷畫冊三
十六卷如庵詩文序○案中州得友人書詩當即與先生者

天東長白大寶幢天河發源導三江有木蔽映山朝陽云誰
巢者雛鳳鳳雲間吐氣日五色百鳥不敢言文章名都盤盤
魏大梁黃金甲第羅康莊王家書絕畫亦絕欲與中秘論低
昂密公書院無絲簧窗明几潔凝幽香元光以後門鑰廢文
士稍得連壺觴客來喜色浮清揚典衣置酒餘空箱生平俊
氣不易降眼中俗物多茫茫淵明素琴嵇阮酒妙意所寄誰
能量在昔武元挂乾綱扶桑爲弓射八荒獵取大國如驅羊
取一作焉民風朴魯資驚疆文治未及武尅剛興陵之孫越王子天
以人瑞歸明昌十三執經侍帝旁十八健筆陵阿房捧腸文

字五千卷靈臺架構森鋪張高陽苗裔襲衆芳胡不置之貢
玉堂袖中正有活國手地下纔得修文郎悲風蕭蕭吹白楊
丘山零落可憐傷承平故態耿猶在拂拭寶墨生輝光恰似
如庵連榻坐一甌春露澹相忘

明昌寶玩璽玉中秘內府圖書印也越郎有柳公權紫絲鞋歐率更海上楊凝式乞

花等帖然獨推元章華佗爲古今絕筆宋畫諸山水以李成爲第一國朝張太師浩然王內翰子端奉旨品第畫譜成筆意繁絳有畫史氣象次之荆關范許之下密公識賞超詣亦以此論爲公郭乾暉崔棘公以爲當在太古無上唐以來諸人筆虛氣實皆非其比故于詩及之楊軒公自號也又所居有如庵詩集號如庵小葉越王諸子惟楊軒貧甚典衣沽酒之句蓋實錄云甲午三月二十有一日爲輔之書于聊城至覺寺之寓居

雛鳳文章

梅聖俞老人泉詩歲月不知老家有雛鳳皇百鳥最翔異不敢與文章

王家

續興志華陀詳四卷注

有郭忠恕飛仙故實宣和印楊軒題○潛溪某縣長公書眉子石現歌一卷後題云開府密國公家藏後有跋文一通中引潛水野翁詩甚悉末書楊軒二字按密國公者金宗室名璚字子瑜興陵之孫越王之子楊軒其號也諱水野翁者武寧軍節度使廳頊之子名璽字元興安陽人故以諱水自號兩人者皆尊尚華學故實愛其書尤爲至玩○本集十三卷摘瓜圖二首楊軒家物○中州集高軒運德裔工於爲文字畫尤有法所題卷軸今猶有存者當以楊軒所書比之氣韻形似無毫髮少異楊軒自望者甚高何至學曼卿乃暗與之合眞異事也○本集十四卷祖唐臣所藏楊軒畫冊二首主敗荷野鴨風柳牧牛○畫史會要密國公喜作墨竹自成規格亦甚可觀

武冠

剛

韓愈潮州表文致
本錢武尅不剛

撐腸

蘇軾詩不願撐腸
柱腹文字五千卷

高陽

離騷帝高陽
之苗裔兮

白楊

古詩白楊
多悲風

蕭愁
殺人

荊棘中杏花

此詩又見謝疊山集恐誤○案先生於此花題詠最多五
卷杏園宴集又癸卯歲杏花八卷杏花落後分韻九卷庚

子南庵賦杏花二首甲辰雜詩第二首十卷張村杏花十一卷杏花雜詩
十三首十二卷杏花一首又冠氏趙莊賦杏花四首十三卷渾源望湖川

百葉杏

花二首

牆東荒溪抱邨斜
荊棘狼籍盤根芽
何年丹杏此畱種
小紅濺濺爭春華
野人慣見謾不省
獨有詩客來咨嗟
天真不到鉛粉筆
富豔自是宮闈花
曲池芳逕非宿昔
蒼苔蘚酒問天涯
京師惜花如惜玉
曉擔賣徹東西家
杏花看紅不看白
十日忙殺遊春車
誰家園亭有此樹
鄭重已著重繡遮
阿嬌新寵貯金屋
明如遠嫁愁清笳
落花縈簾拂牀席
亦有飄泊沾泥沙
天公無心物自物
得意未用相陵誇
黃昏人歸花不語

唯有落月啼棲雅

落花

南史范縝傳縝曰人生如樹花同發隨風而墜自有拂簾帳墮于茵席之上自有關籬牆落于糞溷之中

太白獨酌圖

宣和所藏李伯時筆○案太白集有月下獨酌春日獨酌詩

謫仙去世三百年海中鯨魚渺翩翩豈知龍眠天馬筆忽有玉樹秋風前金鑾歸來身散仙世事悠悠白髮邊會稽賀老何處在千里名山入酒船清景已隨詩句盡風流合向畫圖傳往時長安酒家眠焦遂不狂張不顛想得三更風露下醉和江月弄江煙

謫仙

李白詩四明有狂客呼我謫仙人

會稽

又詩稽山無賀老卻掉酒船回

松上幽人圖

宋宗婦曹夫人仲婉所畫上有曹道沖題詩○宣和畫譜宗婦曹氏所畫皆非優柔軟媚取悅兒女子者真若得于

游覽見江湖山川間勝槩以筆下毫端有桃溪夢岸柳塘雪雁牧羊五圖○續軌藏說宗婦曹夫人善丹青作臨平藕花圖○夷堅志曹道沖善詩京都隨所命題即就筆不遲欲畫之乃求浪在詩範句以新字為賦云云即此

秋風謾謾松樹枝仙人骨輕雲一絲不飲不食玉雪姿竹宮
月夕頻望祠竟不下視齋房芝人間女手乃得之眼中擾擾
昨暮兒畫圖獨在羲皇時予懷渺兮幽林思

竹宮

史武帝紀正月上辛用事甘泉園丘夜有神
光如流星止集于祠壇天子自竹宮望拜

芝房

又紀下詔曰甘泉房生芝
九莖注芝生九莖作芝房歌

送張君美往南中

南朝辭臣北朝客棲遲零落無顏色陽平城邊握君手不似
銅駝洛陽陌去年春風吹雁迴今年雁逐秋風來春風秋風
雁聲裏行人日暮心悠哉長江大浪金山下吳兒舟舩疾於
馬西湖十月賞風煙想得新詩更瀟灑

南朝

劉禹錫句中州集劉內翰著月夜泛舟詩
云浮世渾如出岫雲南朝詞客北朝臣

陽平

案先生時
在冠氏

銅駝

晉書索靖
傳知天下

將亂指洛陽宮門銅駝嘆
曰會見汝在荆棘中耳

戲題新居二十韻

去冬作舍誰資助縣侯雅以平原故賢郎檢視日復日規制
從頭盡牢固南風一夕怪事發突兀赭垣殘半柱乞漿得酒
過初望曲突徙薪忘後慮長淮千里燕巢林明月一枝烏遶
樹東家老屋西北走衆木枝撐畱少住由來馬隊非講肆況
與瓊牢通過路聚廬託處何暇擇重爲主人推獎悞夏秋之
交十日陰抱被倚門愁旦暮問君新居在何許只去火餘纔
數步學宮分地與閑冷使館有牆遮雜汙就中此宅尤費手
官給工材半傭雇十寒一暴半載強纔得安牀置鐙釜紛紛
暗被兒女笑老虎般彪今幾度胸中廣廈千萬間天地一身
無著處北來衣冠日枯槁十九桃符傍門戶乾坤血肉得此
身剩有把茅能勿懼上方下比良易見好惡且當隨所遇仰
看片瓦聊自賀疾過巖牆寧反顧合歡明日召諸鄰狼籍盃

盤從飽吐

巢林

通鑑宋元嘉二十八年魏被宋六州所逼赤地春燕歸巢于林木

馬隊

陶靖節傳刺史檀韶請周續之出州與學士祖企謝景夷三人在城北講

禮所住公解近于馬隊故淵明示其詩云馬隊非諱肄校書亦已勤

無著處

蘇軾詩老大此身無著處

血肉

見皇極經世書

贈蕭鍊師公弼

淳南集大乙三代度師蕭公墓表太乙之教興于金朝天眷間衛郡蕭真人其始祖也靈異之跡上動至神勅

賜觀名太乙萬壽世嗣其法一再傳而得師焉師諱志冲字用道博州堂邑人本姓王詣衛州參二代師為門弟子二代師退席以為法嗣而改蕭姓凡法嗣皆從蕭氏蓋祖師訓也又一日聚眾曰祖師元教代代相承如續燈然無有窮盡今弟子蕭道輔者祖師再從孫吾當付之因退處西堂不復以世務關意貞祐二年四代師主毫之太清宮師亦從焉四代師字公弼一世傳人所交皆天下之士而竊幸與之游○秋澗集大都宛平縣太乙渠仙觀記金源氏熙宗朝一悟真人蕭公仙聖所授秘籙創太乙教法于汲郡悼后命之私逐鬼物愈療疾苦多所應驗一悟傳之重明大定間召住天長觀嘗入禁中論道稱旨三代虛寂以道價重一時泰和四年太極宮建命師主焉其四代東瀛子即祖房孫諱道輔人品峻潔博學富才智士論有中州相之目大元壬子歲應世祖潛邸之聘占對稱旨賜號中和仁靖真人寶冠錦帔副焉及登大位中和已仙去又堆金象記國朝癸酉歲天兵北動衛州罹厄時大乙度師蕭公以智逸去冬十一月自河南來歸其城郭為墟骨暴如莽惻然哀之遂募人力缺遺骸卜州西北二里許故陳城內鑿之坎瘞而邱之仍設醮祭以妥厥靈俗呼為堆金塚六代師全懇子文以紀之初師既葬主柩之延祥館壬辰冬大兵至復以言

活萬家師諱道輔字公弼甫冠嗣主宗教復加謚仁靖真人云○又蕭徵君哀詞東瀛先生有道之士也予以里閭故獲展履綦之拜蓋十有一年今茲云亡謹撫其見聞之寔作追懷詩六首姑達其感慨云爾詩云圯上求書約重過豈斯遐想仰山河適來適去尋常事親見先生曳杖歌含悲空灶影前香風袂冷然返帝鄉鶴取不來塵世隔芙蓉城關月茫茫李白長鯨汗漫期秋山竟冷未來歸傷心執拂西州路何止羊曇淚滿衣鬱鬱佳城畫不開玉霄東望雲蓬紫空懷華表城頭柱會有他年生鶴來萬事生來委自然竹風松月共清圓衣塵才拂朝元去君向人間久棄捐樓觀才成人已非身前毫髮恨無遺空餘讀易壇邊竹露葉青青若淚垂○又有壬子夏六月陪蕭徵君飲方丈南榮同會者烏大使正卿學士徒單雲甫張提點幾道王秀才子初洎家府君小子樺隅侍席末詩○又太乙五祖演化真常真人行狀姓李氏諱居壽字伯仁壬子歲聖主居潛邸駐蹕嶺上以安車召四代祖中和真人于衡薦師才識志行請傳為五代祖仍從誓約易姓為蕭○又真大師張公銘丙午夏四月侍中和赴太后幄殿壬子夏六月從中和北覲○又凝寂大師張公銘口口春中和還衛口口冬中和昇寂

吾家阿京愛公弼吾家澤兄敬公弼半生夢與公弼游豈意相逢在今日春風和氣在眉宇玉壺冰鑑藏胸臆人間萬事君自知未必君材人盡識蘇門水木無纖埃聞君家近公和臺仙家近日多官府黃帽青鞋歸去來

時沐佛老家甚急故云

阿京

即劉京叔澤兄仲澤

官府

韓愈詩上界真人足官府

黃帽

少陵句

汰佛老

元文類宋子貞耶律文正

碑丁酉汰三教僧道試經通者給牒受戒許居寺觀歸人中選者則復其家公初言循道中避役者多各行選試至是始行之又見李廷機大方通鑑

送弋唐佐董彥寬南歸

且為潞府諸公一笑○案唐佐名發英汝州人文學行義高出時輩詳木集弋公表

河汾續經名自重附會人嫌迫周孔史臣補傳久已出浮議
至今猶洵洵薛收文志誰所傳貴甚竹書開汲冢沁州破後
石故在為礎為砑吾亦恐暑涂十日來一觀面色為鰲足為
腫淡公淡癖何所笑但笑弋卿堅又勇自言浪走固無益遠
勝閉門親細冗摩挲石刻喜不勝忘卻崎嶇在岡隴潞人本
淡新有社淡事重重非一種有人六月訪琴材不為畱難仍
慙慙懸知蠟本入渠手四座色揚神為竦他時記籍社中人
流外更須增一董

河汾補傳

歸潛志司馬君實作文中子補傳性隋書不為文中子立傳而其弟子云疑為刺史嘗彈侯君集君集與長孫無忌善以此王氏不得用其修

隋史者乃陳叔達魏徵畏無忌故不爲立傳君子曰叔達固畏無忌徵豈畏無忌故掩其師名耶以是爲疑子嘗思使徵草誠文中子門人其不爲立傳亦自有深意將非以既擬其師于聖人欲列于傳恐小之欲援孔子世家之例而隋史無他世家且恐時人議故皆不紀以爲其師之名不待史而傳乎如此然未可知也○中州集蕭文甫文中子續經詩云紛紛述作史才雄聽似秋來百草蟲不是春雷轟蟄窟蚓蛇會得化成龍遺山注云子嘗以王氏六經爲問先生云王氏六經以權道設教雖孔子亦然但後人不能知之耳因以此詩見示

蕭仲植長史齋

修武作。鶴陽集伯德仲植張長史帖詩莫就嚴陵買菜無勞逸少換鵝但得雲煙一紙那在鄴侯書多

張顛飲豪傾四座脫帽狂呼誰敢和南宗北宗知幾人醉眼紛紛飛鳥過是公技進不名技元氣淋漓隨咳唾偶然捉筆本無意自有龍騫并虎臥當時誰有戰國策長史帖云借戰國策可付之凡七字門外雷車忽驚墮天星無數不知名色正芒寒纔七箇蕭郎家世陵谷後爭信空囊蓄有貨蕭齋故事今復舉未怕秋風吹屋破護持有物世共喜不獨一時爲子賀藏舟夜壑未厭深隄備有人來倚棹

脫帽

杜甫詩張旭三杯草聖傳脫帽露頂王公前

技進

莊子臣之所好者道也進乎技矣

虎臥

智果論書藝之得如龍跳天門虎臥鳳闕

色正芒寒

劉禹錫柳文集序然如繁星麗天芒寒色正人望而敬之者五行而已

送宋省參并寄潞府諸人

元史宋子貞傳字周臣潞州長子人太宗七年爲東平行臺右司郎中東平嚴

實卒子忠濟襲爵請于朝授子貞參議東平路事。本集十二卷生子詩三十六卷鳩水集引

茅齋團團蝸殼大苦被傍人嘲塞破官家眼孔十萬緡未與
書生供一唾長衫只辦包瘦骨故紙何緣變奇貨不因三致
大耳兒老雪屯門甘凍臥國中腐鼠凡幾嚇玉上青蠅非一
箇荆人美璞削之招君足幸存仍可賀雲間太行青在眼上
客歸來傾四座因君寄問社中人前日淡公行復過

腐鼠

莊子曉得腐鼠鷄雖過之仰而視之曰嚇

青蠅

陳子昂詩青雲一相點白璧遂成冤

覓神霄道士古銅爵

續夷堅志聊城李晝病目問神霄何道士求治療卽此

雷章著土紛朱碧秋菌春蒲人不識若非儀狄墓中來應自

杜康祠下得古人偶得酒之傳摸索飲器流饒涎巧偷豪奪
吾何敢他日酬君九府錢

秋茵春蒲

蘇軾詩三趾下銳春蒲短兩柱高張秋茵細

巧偷

又詩巧偷豪奪古來有一笑誰似窟虎頭

賦澤人郭唐臣所藏山谷洮石研

研有銘云王將軍爲國開臨洮有司歲饒可會者六

百鉅萬其於中國得用者此研材也研作壁水樣。中州集馮延登詩臨武洲前抱石歸琢來猶自帶清輝芝蘭盡日無人到坐看元雲吐翠微。又雷淵詩緹縵深複有滄洲文石春融翠欲流退筆成邱竟何益乘時真欲碾吳鉤

舊聞鸚鵡曾化石不數鸚鵡能瑩刀縣官成費六百萬纔得此研來臨洮玄雲膚寸天下徧壁水直上爰星高辭翰今誰

江夏筆三錢無用試鷄毛

鷄鵲

爾雅注鷄鵲似鳥而小青中瑩刀

臨洮

洞天清錄集除端欲二石惟洮河綠石北方最貴重然石在臨洮深水之底非人力所易致得之爲無價

之寶者舊相傳雖知有洮研然目所未覩今或有綠石研名爲洮者多

江夏筆

羅隱陳先生集序夫德行莫敦于親戚文章莫大乎流傳今已備江夏之

筆矣余不克再

贈休糧張鍊師

金砂霧散風雨疾一點黃金鑄秋橘中林宴坐人不知野鹿
銜花蜂課蜜富兒盤饌羅羶葷擾擾飛蠅復聚蚊見說西山
好薇蕨一枝青竹願隨君

一點

東坡句

富兒

維詩長安富兒盤饌羅羶葷不解文字
飲惟能醉紅裙難得一飽兼有加緊飛蚊

天井關

水經注白水東南流歷天井關蔡邕曰太行蛟上有天井關在井
北遂因名焉。劉歆遂初賦曰馳太行之險峻入天井之高關

石磴盤盤積如鐵牛領成創馬蹄穴老天與世不相關元聖
棲棲此迴轍二十年前走大梁當時塵土因名塲山頭千尺
枯松樹又見單車下太行自笑道塗頭白了依然直北有羊
腸

元遺山詩集箋注卷三終